



**2021/05/27KO UDALBATZAREN OHIKO OSOKO BILKURAREN AKTA**

**Eguna:** 2021/05/27  
**Hasiera ordua:** 19:00  
**Amaiera ordua:** 19:50

**Bertaratuak:**

Lehendakaria:

Lierni Altuna Ugarte –alkatea- (EH BILDU)

Zinegotziak:

EH BILDU UDAL TALDEA:

Maria Cristina Etxenausia Irure

Iban Herrarte Arana

Oihana Ameskoa Perez

Santiago Balantzategi Beitia

Ana Maria Martiarena Arregi

EAJ/PNV UDAL TALDEA:

Juan Antonio Peña Orobengoa

Pedro Elosegui González de Gamarra

**Ez bertaratuak:**

Gorka Astondoa Altuna

**Idazkaria:**

Bittor Agirreurreta Murgia

Aramaion (Ibarran), Udaletxeko bilkura aretoan, goian aipatutako egun eta ordua denean, lehenengo deialdian goian aipatzen diren zinegotzi jaun andreak bildu dira Udal Plenoaren ohiko bilkura burutzeko objektuaz, Lierni Altuna Ugarte Alkate-Lehendakaria Lehendakari dela. Bilkura honetara Udalaren idazkari-kontuhartzailea, Bittor Agirreurreta Murgia, bertaratu da.

Lehendakariak, quoruma dagoela egiaztatuta, hasiera eman dio bilkurari eta aztergaien zerrendan jasotako gaiak jorratzeari ekin dio Udalbatzak:



## AURKIBIDEA

1. ONARTZEA, BADAGOKIO, AURREKO BILKURAKO AKTA. ....	3
2. DEKRETUEN BERRI EMATEA. ....	3
3. ONARTZEA UDALAREN ETA FORU ALDUNDIAREN ARTEKO HITZARMENA EGITEA, EGUNEKO LANDA ZENTROAREN ZERBITZUAREN ESKUMENAK ESKUORDETZEKO ETA EGUNEKO LANDA ZENTROAREN GARRAIO EGOKITUKO ZERBITZUA AGINTZEARI BURUZKOA. ....	3
4. ONARTZEA 2/2021 KREDITU ALDAKETA EGITEA. ....	27
5. ARGAZKI HISTORIKOAK JASOTZEKO PROIEKTUEN LEHIAKETA DEIALDIA. ....	29
6. ETXERAT ELKARTEAREN MOZIOA PRESOEI LEGEDI ARRUNT SOILA ETA ESPETXE POLITIKA NORMALIZATU BAT APLIKATZEKO BEHARRARI BURUZ. ....	32
7. ENERGIA BERRIZTAGARRIEN HEDAPENARI BURUZKO MOZIOA. ....	33
8. GALDERAK ETA ESKAERAK. ....	35



Bilkurako gai zerrendarekin hasi aurretik, alkateak jakinarazten du gai bat sortu dela deialdia banatu ondoren eta, udalbatzan hortaz aritu aurretik, ordea, gai zerrendan sartu ahal izateko, gai horren urgentziazko izaera bozkatu beharko dela. Kontua da, deialdia banatua izan ondoren, EAJ udal taldeak mozio bat sartzeko eskaera aurkeztu zuela. Mozioa da, oraintsu Kasatxon agertutako kalte eta pintaden inguruan. Sartu nahi den gaia da, "MOZIOA KASATXOKO KALTE ETA PINTADEI".

Besterik gabe, alkateak bozketa deitu eta Udalbatzak, bertaratutako zinegotzi guztien aldeko botoarekin, aho batez, gaiaren URGENTZIA ONETSI eta gaurko bilkurako gai zerrendan sartzea ONARTZEN du. Hain zuzen ere, galdera eta eskaerei dagokien puntuaren aurretik sartuko da.

Horrenbestez, alkate-lehendakariak, hasiera eman dio bilkurari eta aztergaien zerrendan jasotako gaiak jorratzeari ekin dio Udalbatzak.

### **1. ONARTZEA, BADAGOKIO, AURREKO BILKURAKO AKTA.**

Alkate-Lehendakariak 2021eko apirilaren 29ko ohiko bilkurako aktaren gainean inork oharririk ote duen galdetu du.

Inork akta horri buruz oharpenik ez duenez, lehendakariak akta onartzeko bozketa deitu du eta aho batez onartu da, 2568/1986 Errege Dekretuaren, azaroaren 28koaren, Toki Erakundearen Antolakuntza, Funtzionamendu eta Eraentza Juridikoaren Erregelamendua onartzen duenaren 91. artikuluan ezarritakoaren arabera.

### **2. DEKRETUEN BERRI EMATEA.**

Udalbatza, besterik gabe, azken ohiko bilkuratik egin diren dekretuen jakitun gelditu da (99/21etik 144/21era).

### **3. ONARTZEA UDALAREN ETA FORU ALDUNDIAREN ARTEKO HITZARMENA EGITEA, EGUNEKO LANDA ZENTROAREN ZERBITZUAREN ESKUMENAK ESKUORDETZEKO ETA EGUNEKO LANDA ZENTROAREN GARRAIO EGOKITUKO ZERBITZUA AGINTZEARI BURUZKOA.**

Euskal Autonomia Erkidegoko Gizarte Zerbitzuen abenduaren 5eko 12/2008 Legeak arautzen du botere publikoek duten betebeharrak eskubidearen titular guztiei bermatzeko prestazio eta gizarte zerbitzuetarako sarbidea eta eskuragarritasuna, lege horretan nahiz Gizarte Zerbitzuen Euskal Sistemaren prestazio eta zerbitzuen zorroari buruzko urriaren 6ko 185/2015 Dekretuan finkatutako terminoetan. Hori guztia Arabako Lurralde Historikoko Gizarte Zerbitzuen Maparen arabera, Arabako Foru Aldundiak eta Lurralde Historikoko udalek berretsi zutena 2016ko uztailaren 22an, Gizarte Zerbitzuen Plan Estrategikoaren baitan.

12/2008 Legearen 22. artikuluan arabera, Eguneko Arretako Zerbitzua udal eskumena da, eta hainbat eskumen ditu esleituta. Izan ere, Lurralde Historikoko udalerririk gehienek, tamaina eta biztanleria txikia dutenez, ez daukate zerbitzu hori eraginkortasunez emateko beharrezko azpiegiturarik.

Toki Araubidearen oinarriak arautzen dituen apirilaren 2ko 7/1985 Legearen 31. artikulua adierazten duen bezala, aldundiek ziurtatu behar dute udal eskumenerako zerbitzuak lurralde osoan modu integral eta egokian ematen direla. Bada, testu beraren 36. artikuluan arabera, aldundiek, besteak beste, udal zerbitzuei dagokienez juridikoki, ekonomikoki eta teknikoki lagundu eta kooperatzeko zeregina daukate. Horrenbestez, gomendagarria da Arabako Foru Aldundiak parte hartzea udal eskumenerako zerbitzu hori ematen.

Horregatik, lurralde osoan zerbitzuaren eraginkortasuna bermatzeko mekanismoak arbitratze aldera, komeni da Arabako Foru Aldundiaren eta hala erabakitzen duten udalen artean lankidetzaren esparru bat prestatzea udal eskumenerako zenbait betebeharrak gauzatzeko.

Lankidetzaren hori legeak jasotzen duen administrazioen arteko kolaborazio, kooperazio eta laguntza printzipioetan; besteak beste, Sektore Publikoko Araubide Juridikoaren urriaren 1eko 40/2015 Legearen 140. artikuluan eta hurrengoetan eta Gizarte Zerbitzuen Legearen 43. artikuluan eta hurrengoetan. Hitzarmen honetan gauzatu dira horiek.

Foru lankidetzaren oinarrietako batenez sustatzea zerbitzuaren kalitatea eta intentsitatea antzekoa izatea Arabako udalerririk guztietan, zerbitzua eta horren prezio publikoak arautzen dituen araudia berbera izan behar da hitzarmena sinatzen duten udal guztientzat. Horrela, gainera, eskumenerako eskuordetza



erraztuko da. Horixe da zerbitzua arautzeko (erregelamendua) eta horren prezio publikoak ezartzeko araudia (ordenantza fiskala) hitzarmenaren eranskin gisa txertatzearen arrazoia. Hartara, aipatutako erregelamendu eta ordenantza fiskala onartu behar dira, zerbitzuak udal guztietan baldintza berdinak izan ditzan.

Eguneko arretarako landa zentroaren zerbitzua arautzen duen udal erregelamenduak horrela dio, hitzez hitz:

**“EGUNEKO ARRETARAKO LANDA-ZENTROAREN ZERBITZUA ARAUTZEN DUEN UDAL-ERREGELAMENDUA  
LEHENENGO TITULUA**

**1. artikulua.- Xedea eta aplikazio-esparrua**

Erregelamendu honen xedea da adineko pertsonentzako Eguneko Arretarako Landa-zentroan ematen den zerbitzua arautzea Aramaioko udalerrian.

**2. Artikulua.- Eguneko Arretarako Landa-zentroko Zerbitzuaren definizioa**

Eguneko Arretarako Landa-zentroak zerbitzu integratzailea, prebentiboa, asistentziazkoa eta komunitarioa eskaintzen du, zeina aldi batez nahiz etengabe erabil daitekeen. Zerbitzu horren bidez, adinekoek, autonomia-maila desberdina izan dezaketenek, eguneroko jarduerak eta aisialdikoak egiteko laguntza jasoko dute egunez. Erabiltzaileek familia-egitura bat edo laguntza informalen sare bat izango dute, adinekoek etxean bizitzen jarraitu ahal izan dezaten, aldi berean bizi-kalitate egokia mantenduz.

Zerbitzu horri esker, adineko pertsonen baliabide bat izango dute eskura, egunez bertara joan daitezten. Han, beren berariazko arreta-premiekin lotutako laguntza emango zaie.

**3. artikulua.- Eguneko Arretarako Landa-zentroko Zerbitzuaren helburuak**

Eguneko Arretarako Landa-zentroko Zerbitzuak honako helburu hauek izango ditu:

1. Adineko pertsonen beren ingurune sozialean bizitzen jarraitzeko erraztasunak ematea, behar dituzten zaintzak beren erkidegoan bertan eskainiz.
2. Adinekoen autonomiari eustea eta haien integrazioa eta parte-hartze soziala indartzea. Horretarako, prebentzio-programak sustatuko dira, bai eta gaitasun funtzionalak eta sozialak mantentzeko eta jarduera psikikoa egiteko zaintza arinak eta prestazioak eskaini ere, aisialdiko jardueren bidez eta gizarte- eta kirol-jarduerak garatuz; halaber, zerbitzuaren erabiltzaileak zentroen funtzionamenduan parte hartzera animatuko dira.
3. Adinekoen arteko bizikidetzarako espazio bat izatea, kolektibo horren beharrezkoak detektatzeko balioko duena, arreta sendoagoak beharko diren eguna atzeratuz.
4. Adinekoentzako arretan erantzunkidetasun soziala sustatzea, laguntza-sareei babesa emanez. Horretarako, sareek beren gain hartzen dituzten kargak arinduko dira eta bakarrik bizi diren adinekoek nahiz haiek zaintzeaz eta artatzeaz arduratzen direnei laguntza emango zaie.
5. Zerbitzu horiek eta bestelako zerbitzu komunitarioak ematen dituzten herrigune txikien arteko komunikazioa ahalbidetzea.
6. Eguneko Arretarako Landa-zentroko zerbitzuaren erabiltzaileen eta Aramaioko Udalaren nahiz zentroko langileen arteko komunikazioa ahalbidetzea.

**4. artikulua.- Eguneko Arretarako Landa-zentroko Zerbitzuaren prestazioak**

Aipatutako xedek kontuan hartuta eta horiek betetze aldera, Eguneko Arretarako Landa-zentroko Zerbitzuak honako prestazio hauek izango ditu:

- a) Informazioa.
- b) Jarraipenerako balorazioa.
- c) Gizarte-laguntza.
- d) Gizarte-hezkuntzako esku-hartzea eta esku-hartze psikosoziala:
  - Estimulaziozkoa edo errehabilitatzailea: trebetasunak garatzea eta eguneroko oinarrizko jarduerak egiteko gaitasunak suspertzeko jardura eta ariketa errazak egitea.
  - Hezkuntzazkoa: jardura hezigarriak, kulturalak eta aisialdikoak.
- e) Egokitutako garraioa, hala badagokio.
- f) Mantenua



- g) Bainu geriatrikoa / norberaren higiena
- h) Hala badagokio, arropa garbitzeko zerbitzua.

#### **5. artikulua.- Eguneko Arretarako Landa-zentroko Zerbitzuaren ezaugarriak**

Adinekoentzako Eguneko Arretarako Landa-zentroko Zerbitzua honako ezaugarri hauen arabera eskainiko da:

##### 1) Arreta egunak

- Oro har, zerbitzua astelehenetik ostiralera eskainiko da, preskripzio teknikoaren arabera.
- Asteburuetan eta jaiegunetan Eguneko Arretarako Landa-zentroko zerbitzua itxita egongo da.
- Ofizialki jaieguntzat onartutakoak joko dira jaieguntzat.

##### 2) Zerbitzuaren intentsitatea

Zerbitzuaren intentsitatea ezartzeko, erabiltzaileen premien banakako ebaluazioa hartuko da oinarri gisa.

##### 3) Arretarako ordutegia

Eguneko Arretarako Landa-zentroko zerbitzuaren ordutegi orokorra 11:00/12:00etatik eta 17:00/18:00etara izango da.

Ordutegi orokor hori zerbitzuaren beharrezan arabera aldatu ahal izango da.

#### **6. artikulua.- Erabiltzaileak zehaztea**

1.- Eguneko Arretarako Landa-zentroko zerbitzuaren lehentasunezko arreta jasoko dute mendetasun-arriskuan dauden 65 urtetik gorako pertsonak (MBBn 23 eta 24 puntu dituztenek) edo I. graduako mendetasun-egoeran daudenen, baldin eta MBBn 25 eta 39 puntu artean lortu badituzte.

2.- Salbuespen gisa, Eguneko Arretarako Landa-zentroko zerbitzuaren onuradun izan ahalko dira honako hauek:

- a) 60 urtetik gorako pertsonak, bakarrik bizi direnak edo ahultasun-egoeran dauden beste adineko batzuekin bizi direnak, baldin eta etxean eta ingurunean bizitzen jarraitzeko laguntza emango dien baliabide bat behar badute. Egoera bereziak ere baloratu ahalko dira, hala nola familia-txandakatzeak.
- b) Familiako beste kide batzuekin bizi diren 60 urtetik gorako pertsonak, baldin eta konpainia egitea edo zaintza-lanetan laguntzea behar badute.
- c) Narriadura eta/edo isolamendu soziala direla eta, harreman sozialak, integrazioa eta parte-hartze soziala mantentzeko, hobetzeko eta/edo handitzeko babesa eta gaitasun sozialak behar dituzten 60 urtetik gorako pertsonak.
- d) Mendetasun-egoeran dauden 65 urtetik gorako pertsonak, MBBn 39 puntutik gorako puntuazioa dutenak, betiere preskripzio teknikoak hala gomendatzen badu.

#### **7. artikulua.- Familia-unitatea**

Erregelamendu honetan aurreikusitako ondorioetarako, familia-unitatea honako kide hauek osatzen dutela ulertuko da:

- zerbitzuaren onuraduna izango den pertsona;
- onuradunaren ezkontidea edo legez aitortutako eta behar bezala egiaztatutako antzeko harreman baten bidez hari lotuta dagoen pertsona.
- haren ondorengo adingabeak, betiere eskatzaileak haien guraso-ahala baldin badu eta haien mantenu ekonomikoari laguntzen badie, zati batean edo erabat.
- hemezortzi urteko edo gehiagoko seme-alabak, baldin eta ehuneko 65eko edo gehiagoko desgaitasuna baldin badute, betiere zerbitzuaren onuradunarekin bizi badira.
- ikasketa akademiko arautuak egiten ari diren 18 eta 25 urte arteko ondorengoak, betiere eskatzaileak haien guraso-ahala baldin badu eta haien mantenu ekonomikoari laguntzen badie, zati batean edo erabat.

#### **8. artikulua.- Zerbitzua eskuratzeko betekizunak**

Erregelamendu honen 6. artikuluan aurreikusitako egoeretako batean egoteaz gain, eskatzaileak honako betekizun hauek bete beharko ditu:

##### a) Betekizun administratiboak:

- Eskaera egiten den egunean Arabako Lurralde Historikoko udalerriren batean erroldatuta egotea, eta zerbitzuak irauten duen bitartean bertan erroldatuta jarraitzea. Baldintza horretatik salbuesita geratuko da, teknikariak proposatuta, baldin eta erabiltzailea familia txandakatze ekoeran badago.





- Instalazioak errespetatzeko betebeharra: Zentroetako altzariak, ondasunak eta instalazioak errespetatu eta behar bezala erabiliko dira.
  - Hitzorduek errespetatzeko betebeharra: zerbitzu bat emateko ezarritako datak eta orduak errespetatuko dira. Arrazoren batengatik zerbitzua eskuratu ezin bada, behar besteko aurrerapenarekin jakinarazi beharko da.
  - Gizarte-zerbitzuei behar besteko aurrerapenarekin eta gehienez ere 30 eguneko epean jakinarazi beharko zaie egoera sozioekonomikoan izandako edozein aldaketa esanguratsu, dagokion ordenantza fiskalean ezarritakoaren arabera.
  - Organo eskudunari jakinarazi beharko zaio erabiltzaileak bere egoeran izandako edozein aldaketa, baldin eta aldaketak zerbitzua eskuratzeko eskubidearen aitortpenari eragiten baldin badio. Horretarako, hamabost egun naturaleko epea izango du, aldaketa gertatzen denetik zenbatzen hasita.
- Aipatutako betebeharren bat betetzen ez bada, zerbitzua eteteko edo amaitzeko prozedura hasiko da, erregelamendu honetan araututako prozeduraren arabera.

#### **11. artikulua.- Eskatzaileen zerrenda**

Eguneko Arretarako Landa-zentroko zerbitzuaren eskatzaileen zerrendaren bitartez antolatuko da zerbitzua esleitzeko lehentasuna. Horretarako, Erregelamendu honen I. Eranskinean zerbitzua jasotzeko ezarritako baremoa aplikatuz eskuratu diren puntuak hartuko dira kontuan.

Aurreko paragrafoan aurreikusitako eskatzaileen zerrendan barne hartuak izan ez diren pertsonak, beren espedientea berrikusteko eskatu ahal izango dute, egindako balorazioa alda lezakeen inguruabar pertsonalen bat aldatu denean, behar bezala egiaztatuz.

#### **12. artikulua.- Zerbitzuaren eskatzaileen zerrendan sartzeko eskabidea**

Erregelamendu honetan araututako Eguneko Arretarako Landa-zentroaren zerbitzuaren eskatzaileen zerrendan sartzeko, interesdunek inprimaki normalizatua eskatu beharko diote organo eskudunari. Inprimaki hori eskatzaileak sinatu beharko du eta udalak horretarako gaituta duen edozein erregistrotan aurkeztu beharko du, edo, bestela, Administrazio Publikoaren Administrazio Prozedura Erkidearen urriaren 1eko 39/2015 Legean aurreikusitako moduan edo erregistroetan.

Prozesuak iraun bitartean, interesdunak edozein momentutan egin dezake atzera eta, hori egin nahi izatekotan, idatziz egin beharko du. Hala jokatzuz gero, espedientea artxibatu egingo da.

Era berean, gizarte-langileak txostena igorri ahal izango du espedientea artxibatuzko, eskatzaileak edo bere ordezkariak berariazko idatzizko ukapena egin dutenean.

#### **13. artikulua.- Eskabidearekin batera aurkeztu beharreko dokumentazioa**

Eskaerarekin batera honako agiri hauek aurkeztu beharko dira:

- NANaren edo baliokidea den edozein identifikazio-agiriren fotokopia.
- Familia-liburua, familia-unitatean 18 urtetik beherakoren bat badago.
- Mendetasunaren eta/edo desgaitasunaren balorazioa, soilik balorazio hori beste autonomia-erkidego batean egin denean.
- Egoera ekonomikoari buruzko datuak:
  - Eskabidea egin aurreko hamar urteetako ondasun higigarrien eta higiezinaren zinpeko aitortpena.
  - Pertsona Fisikoen Errentaren gaineko Zergaren azken aitortpenaren fotokopia, edo, halakorik ezean, aitortpena egitera behartuta ez dagoela ziurtatzen duen agiria, Ogasunak igorritakoa (azken hori ez da beharrezkoa izango aitortutako azken ekitaldian Araban zergaduna izan bada).
  - Edozein kontzepturengatik diru-sarreraren egiaztatzea: pentsioak eta gizarte-aurreikuspeneko prestazio publikoak, pribatuak eta atzerrikoak, nominak, enpresa-jardueren etekinak eta abar.
  - Kapital higiezinaren etekinengatik diru-sarreraren ziurtagiria, halakorik izatekotan.
  - Bankuko egoera guztien ziurtagiri eguneratua, eta kapital higigarriaren etekinak.
  - Arabako lurraldetik kanpo dituen jabetzen titulartasunaren eta katastro-balioaren ziurtagiria.
  - Ezarritako prezioa erakunde eta kontu korrante jakin baten bidez ordainduko da hilerok. Beraz, erakundea nahiz kontu korrontearen zenbakia jakinaraziko dira.
  - Erregelamendu honen 6.2 artikuluan a), b) eta c) letretan jasotako egoeretan dauden pertsonen kasuan, lehen mailako arreta-zentroaren txosten mediko eguneratua aurkeztu beharko da.
  - Gizarte-zerbitzuek interesgarriztat jotzen duten beste edozein dokumentazio.



Eskatzaileak ez badu bere egoera ekonomikoa baloratzerik nahi edo ez badu egoera hori sinesgarriri justifikatzen, bere egoera ekonomikoa kontuan hartzeari uko egiten diola ulertuko da eta, beraz, zerbitzuaren gehieneko tarifa ordaindu beharko du eta 0 puntu lortuko ditu bere egoera ekonomikoaren balorazioan, Sartzeko baremoaren I. Eranskinaren V. apartatuan aurreikusitakoan.

Administrazio Prozedura Erkidearen urriaren 1eko 39/2015 Legearen eta 8.3. artikulua aplikatuz, herritarrek ez dute aurreko agiriak aurkeztu beharrik izango, agiri horietako edozein administrazioaren esku badago. Horretarako, kasuan kasuko agiria noiz eta zer organoren aurrean aurkeztu zuten adierazi beharko dute interesdunek. Udaleko edo aldundiko gizarte-zerbitzuek ezin badituzte aipatutako dokumentuak eskuratu, agiriok aurkezteko eskatu ahal izango diote interesdunari.

Eskabidearekin batera aurkeztutako agiritan zerbait faltako balitz edo akatsen bat egongo balitz, agindeia egingo zaio eskatzaileari, hamar eguneko epean beharrezko agiriak aurkeztu edo ikusitako akatsak zuzen ditzan; era berean, jakinaraziko zaio hori egin ezean eskabidea bertan behera utzi duela ulertuko dela.

Eskatzaileak eta, hala badagokio, familia-unitatea osatzen duten gainerako kideek baimena emango diote udalari edo Arabako Foru Aldundiari izapide egokiak egin ditzan haien inguruko datuak bildu edo egiaztatzeko. Datu horiek eskatzaileak araudi honetan ezarritako betekizunak betetzen dituen egiaztatzeko baino ez dira erabiliko eta, hala badagokio, zerbitzua finantzatzeko betekizun eta baliabide ekonomikoak egiaztatzeko.

Datuak faltsutzeak eta ezkatutzeak zerbitzuaren eskatzaile-izaera galtzea dakar, eskatzaileak izan dezakeen erantzukizunari kalterik egin gabe.

#### **14. artikulua.- Izapidetzea**

Erabiltzaileen beharrezko ebaluazioa eta gizarte-txostena nahiz proposamena Gizarte Zerbitzuei buruzko 12/2008 Legean ezarritako zehaztapenen arabera egingo dira.

##### **A) BEHARRIZANEN EBALUAZIOA**

- Eskatzailearen etxebizitzari (hala badagokio, etxebizitza ibiltariari) dagokion udaleko gizarte zerbitzuetako gizarte-laneko teknikariek egingo dituzte eskabidearen izapidetzea, balorazioa eta beharrezko ebaluazioa.
- Aurkeztutako dokumentazioa udaleko gizarte-zerbitzuetako teknikariek aztertuko dute, eta dagozkion kudeaketak eta jarduketak egingo dituzte honako alderdi hauek baloratzeko:
  - Eguneroko bizitzako oinarritzko jarduerak egiteko laguntza-beharrak, bere burua zaintzeko, jaikitzeko eta oheratzeko, janzteko, ibiltzeko, elikatzeko, garbitzeko eta esfinterren kontrola mantentzeko.
  - Gizarte- eta familia-arloko egoera, kontuan hartuta elkarrekin bizi diren pertsonen harremana eta haien ingurune soziala, bai eta familia- eta gizarte-sareak eskatzailearen arreta-beharrei erantzuteko duen gaitasuna eta aukera kontuan hartuta ere.
  - Etxebizitzaren egoera, higiene-, ekipamendu-, bizigarritasun- eta irisgarritasun-baldintzei dagokienez, laguntza teknikoaren beharra, eta haren kokapena ingurunean.
  - Egoera ekonomikoa.

##### **B) GIZARTE-TXOSTENA / PROPOSAMENA**

Udaleko gizarte-zerbitzuetako gizarte-laneko zerbitzu teknikoek banakako arreta programa prestatuko dute edo, hala badagokio, arreta pertsonalizatua emateko programa. Bertan honako alderdi hauek zehaztuko dira:

- Zerbitzua jasotzeko eta eskabideak aurkezteko betekizunak betetzen diren.
- Hala badagokio, betekizunak betetzetik salbuesteko proposamena, arrazoiak azalduta.
- Eskatzailearen eta, hala badagokio, bere familia-unitatearen inguruabar pertsonalak eta familia- eta gizarte-arloko inguruabarrak.
- Hala badagokio, zerbitzua emateko proposamena, arrazoiak azalduta.
- Hala badagokio, zerbitzu bereziak emateko proposamena, arrazoiak azalduta.
- Hala badagokio, zerbitzua ukatzeko proposamena, arrazoiak azalduta.

#### **15. artikulua.- Ebazpena**

Behin eskaera aztertu eta baloratu ostean, eta gizarte-txostena eginda dagoenean, proposamen teknikoak prestatuko da. Ondoren, organo eskudunari bidaliko zaio, eta hark ebazpen arrazoitua emango du, eskatutako zerbitzura sartzeko eskaera onartuz edo deuseztatuz.

Oinarritzko Gizarte Zerbitzuak hilabeteko epea izango du gehienez, eskaera jaso zenetik zenbatzen hasita, espedientearen inguruko izapideak egiteko.

Gehienez bi hilabeteko epean eman beharko da ebazpena, eskabidea udal-erregistroren batean sartzen denetik aurrera zenbatzen hasita. Epe hori eten egingo da, baldin eta eskaerak zuzendu behar badira jakinarazpena egin eta





bertan adierazitakoa bete bitartean denbora luze igaro delako edo emandako epea igaro delako edo, bestela, Arabako Foru Aldundiari eskatzailearen autonomia baloratzeko nahitaezko txostena eskatu behar zaiolako, bai eta Administrazio Publikoaren Administrazio Prozedura Erkidearen urriaren 1eko 39/2015 Legearen 22. artikuluan ezarritako gainerako baldintzetako bat gertatu bada ere.

Aurreko atalean aurreikusitako epea igaro bada berariazko ebazpenik eman gabe, ulertu ahalko da eskaera ukatu egin dela (nolanahi ere, erakundeak ebazpena emateko betebeharra izan dezake), pertsona interesdunak aukerako berraztertze errekurtsioa edo administrazioarekiko errekurtsioa aurkeztu ahal izateko.

Ebazpena baiezkota izatekotan, honako alderdi hauek jaso beharko ditu:

- Hala badagokio, eskaera zerbitzu-eskatzaileen zerrendan sartzea.
- Zerbitzua ematea, honako alderdi hauek zehaztuz: zerbitzuaren iraupena, intentsitatea eta kostua, bai eta onuradunari dagokion ekarpen ekonomikoa ere.
- Ebazpenean adieraziko da, halaber, zerbitzurako eskubidea aitortzeak berekin dakarrela eskatzailearentzat eta, hala badagokio, haren legezko ordezkariarentzat edo haren izateko zaintzailearentzat, eskubide horri eragin diezaiokeen edozein aldaketa organo eskudunari jakinarazteko betebeharra, aldaketa hori gertatu eta hamabost egun naturaleko epean.

Ebazpena ezezkoa izatekotan, horretarako arrazoiak azaldu beharko dira. Honako kasu hauetan eman liteke ezezko ebazpena:

- Zortzigarren artikuluan azaltzen diren betekizunak betetzen ez badira.
- Eskatzaileak, berak bakarrik edota senideen laguntzarekin edota beste baliabide pertsonal batzuekin, eskabidea eragin zuten beharrianak behar bezala asetzeko aukera badu.
- Zerbitzua emateko eskumena beste administrazio publikoren batena bada, zerbitzuaren izaera edo eskatzailearen egoitza non dagoen kontuan hartuta.
- Zerbitzua emateak erabiltzaileari zein zerbitzua ematen duen langileari arrisku fisiko edota psikikoak eragin diezaiekeela uste bada.
- Behar bezala arrazoitutako beste arrazoiaren bat badago.

Ebazpenaren aurka (aldekoa nahiz kontrakoa), zeina legez agindutako epean eta formalitateekin jakinaraziko den, dagokion errekurtsioa jarri ahalko da, Administrazio Prozedura Erkidearen urriaren 1eko 39/2015 Legearen 121. eta 122. artikuluetan xedatutakoari jarraikiz. Epe hori amaitu eta errekurtsorik aurkeztu ez bada, ebazpena irmoa izango da ondorio guztietarako.

Hala badagokio, aldeko ebazpena zerbitzua ematen duen erakundeari ere jakinaraziko zaio, eta hark, zerbitzua emateko kontratuan jasotzen den epean eman beharko du.

#### **16. artikulua.- Premiazko egoerak**

Salbuespen gisa, eta premia larriko edo presazko kasuak artatzeko, udaleko gizarte-zerbitzuek zerbitzua hastea eta berehala ematea proposatuko dute, eta urgentziatzeko prozeduraren arabera izapidetuko da. Onuradunak adinekoentzako Eguneko Arretarako Landa-zentroaren Zerbitzura jo ahal izango du 48 orduko gehieneko epean.

Gehienez ere hamabost egun naturaleko epean izapidetuko da eskabidea, prozedura arruntaren arabera.

#### **17. artikulua.- Zerbitzuan onartua izatea**

Zerbitzuan onartua izateko zerrendan jasotako ordenari jarraituko zaio eta, horretarako, guztira eskuratutako puntuak hartuko dira kontuan, Erregelamenduaren I. Eranskinean zehaztutako irizpideen arabera eskabidea baloratu ostean.

Eskabideek puntuazio bera jasotzekotan, lehentasuna emango zaie I. graduko mendetasuna duten pertsonen (MBBn 25 eta 30 puntu artean lortu dituztenei) edo mendetasun-arriskuan daudenei (MBBn 23 eta 24 puntu).

#### **18. artikulua.- Jarraipena eta ebaluazioa**

Udaleko gizarte-zerbitzuetako teknikarietara etengabeko jarraipena egingo dute, zerbitzuak onuradunen beharriaz egokitzen zaizkien ikusteko, eta beharrezkoa izanez gero, kasuan kasuko aldaketak proposatuko dituzte; horrez gain, onuradunekin batera ebaluatuko dute proposatutako helburuak lortu diren.

Aldian behin ebaluazioak egin ahal izango dira, bai onuradunak eskatuta, bai zerbitzua eskaintzen duen erakundeak eskatuta, edo protokoloetan eta kontratuetan ezarritako moduan.

#### **19. artikulua.- Egokitzeko aldia**



Erabiltzaile guztiek hiru hilabeteko probaldia gainditu beharko dute.

Egonaldiaren lehen hiru hilabeteetan, adinekoentzako Eguneko Arreta Zentroaren zerbitzua erabiltzen duten pertsonak zerbitzuaren ezaugarrietara eta funtzionamendura egokitzeko aldi egongo dira. Ingurune fisikoan eta sozialean errazago integratzeko beharrezkoa den laguntza tekniko eta pertsonala jasoko dute.

Gizarte-zerbitzuetako teknikariek eta/edo, hala badagokio, zerbitzua kudeatzen duen erakundeko profesionalak sortzen diren arazoei buruz hitz egingo dute une oro erabiltzailearekin, eta egokitzapen egokia lortzeko konponbideak bilatuko dira.

Erabiltzailearekin batera irtenbideak bilatzen ahaleginduta ere, pertsona horrek zerbitzura egokitzeko zailtasunak dituela egiaztatzen bada edo zerbitzuak pertsona horren premiak ez dituela behar bezala estaltzen ikusten bada, egoera baloratu eta beste proposamen bat egin beharko da. Horretarako, Oinarrizko Gizarte Zerbitzuek txostena egin beharko dute alde zurretik.

Egindako proposamena erabiltzaileari igorri beharko zaio, eta hark hamabost eguneko epea izango du alegazioak aurkezteko.

Alegazioak aztertu ostean, organo eskudunari behin betiko proposamena helaraziko zaio, eta hark ebazpen arrazoitua emango du. Pertsona hori zerbitzutik irtetea ebaztekoan, alternatibaren bat proposatuko da, halakorik egonez gero.

Ebazpenaren aurka (aldekoa nahiz kontrakoa), zeina legez agindutako epean eta formalitateekin jakinaraziko den, dagokion errekurtsioa jarri ahalko da, Administrazio Prozedura Erkidearen urriaren 1eko 39/2015 Legearen 121. eta 122. artikuluetan xedatutakoari jarraikiz. Epe hori amaitu eta errekurtsorik aurkeztu ez bada, ebazpena irmoa izango da ondorio guztietarako.

## **20. artikulua.- Zerbitzua etetea**

Honako arrazoi hauengatik etengo da Eguneko Arretarako Zentroaren zerbitzua:

- a) Erabiltzailea aldi batez ospitaleratzen badute.
- b) Gizarte-baliabideak eta gizarte- eta osasun-baliabideak erabiltzeagatik erabiltzaileak zerbitzua aldi batez erabili ezin badu.
- c) Erabiltzaileak zerbitzua erabili ezin badu urtean berrogeita bost (45) egun baino gutxiagoko aldietan, zerbitzua azken aldiz erabili zuenetik aurrera zenbatzen hasita. Egoera berezietan, epe hori luzatu egin ahal izango da. Erabiltzailea familia-txandakatze egoeran baldin badago, aldi hori txandakatze-epeen arabera handituko da.
- d) Erabiltzaileak 10. artikuluan ezarritako zereginen bat betetzen ez badu, baina zerbitzua amaitzeko nahikoa arrazoi ez bada.
- e) 8. artikuluan ezarritako baldintzetako bat aldi batez galdu badu.

Eguneko Arreta Zerbitzuaren prezio publikoa arautzen duen ordenantza fiskalak zerbitzua etenda dagoen bitartean plaza gordetzeagatik erabiltzaileak egin beharreko ekarpena ezarriko du.

Aurreko paragrafoan zehaztutako d) edo e) etete-arrazoiak gertatzen badira, Oinarrizko Gizarte Zerbitzuak Arabako Gizarte Ongizaterako Foru Erakundeari jakinarazi beharko dio etetea, eta erakunde horrek erabiltzaileari edo, hala badagokio, haren ordezkariari jakinaraziko dio. Azken horiek hamabost egun balioduneko epea izango dute dagozkion alegazioak egiteko.

Alegazioak izapidetu ondoren, Oinarrizko Gizarte Zerbitzuak proposamen bat igorriko dio ebazteko eskumena duen organoari. Proposamen horrek honako aukera hauetako bat jaso beharko du:

- a) Zerbitzuaren titularra izaten jarraitzea.
- b) Zerbitzuaren titularraren izaera aldi batez galtzea eta eskubidea etetea.

Behin proposamena jasota, organo eskudunak ebazpen arrazoitua emango du.

Ebazpenaren aurka (aldekoa nahiz kontrakoa), zeina legez agindutako epean eta formalitateekin jakinaraziko den, dagokion errekurtsioa jarri ahalko da, Administrazio Prozedura Erkidearen urriaren 1eko 39/2015 Legearen 121. eta 122. artikuluetan xedatutakoari jarraikiz. Epe hori amaitu eta errekurtsorik aurkeztu ez bada, ebazpena irmoa izango da ondorio guztietarako.

## **21. artikulua.- Zerbitzua azkentzea**

Honako arrazoi hauengatik azkenduko da Eguneko Arreta Zerbitzua:

- a) Erabiltzaileak edo haren legezko ordezkariak zerbitzuari uko egiteagatik.
- b) Zerbitzua emateko ebazpenean aurreikusitako epea amaitzeagatik.
- c) Erabiltzailearen heriotzagatik.
- d) Erabiltzailea beste udalerrri batera lekualdatzeagatik, familia-txandakatzeen kasuan izan ezik.



- e) Onuraduna adinekoentzako Eguneko Arretarako Landa-zentroko zerbitzuarekin bateragarria ez den beste baliabide edo programa batean sartzeagatik.
- f) Zerbitzua ematea eragin zuen beharrianaren arrazoa desagertzeagatik.
- g) Zerbitzua emateko kontuan hartu diren datuak faltsutzeagatik edo datuak ezkutatzegatik.
- h) Zerbitzua jasotzeko eskatutako betekizunen bat betiko galtzeagatik.
- i) Zerbitzuaren jarraipena egiteko eska daitekeen dokumentazioa ez aurkezteagatik.
- j) 30 eguneko epean gizarte- eta ekonomia-egoeraren aldaketei buruzko informazioa ez aurkezteagatik.
- k) Aldi batez eteteko epea igarotakoan zerbitzua berriro ez erabiltzeagatik.
- l) Zerbitzua ematen duten langileak edo beste erabiltzaile batzuk fisikoki edo psikologikoki erasotzeagatik.
- m) Araudi honetan zehaztutako onuradunen betebeharrak behin eta berriro ez betetzeagatik (ordainagiriak epez kanpo ordaintzea, behin eta berriro ez ordaintzea eta abar).
- n) Arrisku fisikoa eta/edo psikologikoa egoteagatik bai erabiltzailearentzat, bai zerbitzua ematen duten langileentzat. Udaleko zerbitzu teknikoek horri buruzko balorazioa egin beharko dute alde aurretik.
- o) Sei hilabete baino gehiagoko aldi jarraituan zerbitzua eteteagatik, etenaldia indarrean jarri zen egunetik zenbatzen hasita.
- p) Urte naturalaren baitan 45 egun baino gehiagoz zentrora justifikatu gabe ez etortzeagatik.
- q) Behar bezala arrazoitutako beste arrazoi batzuegatik.

Aurreko paragrafoko d) letratik p) letrara bitartean deskribatutako zerbitzua azkentzeko arrazoren bat gertatzen bada, Oinarrizko Gizarte Zerbitzuak erabiltzaileari edo, hala badagokio, haren ordezkariari jakinarazi beharko dio. Azken horiek hamabost egun baliioduneko epea izango dute bidezko alegazioak egiteko.

Alegazioak izapidetu ondoren, unitate teknikoak proposamen bat igorriko dio ebazteko eskumena duen organoari. Proposamen horrek honako aukera hauetako bat jaso beharko du:

- a) Zerbitzuaren titularra izaten jarraitzea.
- b) Zerbitzuaren titularraren izaera behin betiko galtzea eta eskubidea azkentzea.

Behin proposamena jasota, organo eskudunak ebazpen arrazoitua emango du.

Ebazpenaren aurka (aldekoa nahiz kontrakoa), zeina legez agindutako epean eta formalitateekin jakinaraziko den, dagokion errekurtsioa jarri ahalko da, Administrazio Prozedura Erkidearen urriaren 1eko 39/2015 Legearen 121. eta 122. artikuluetan xedatutakoari jarraikiz. Epe hori amaitu eta errekurtsorik aurkeztu ez bada, ebazpena irmoa izango da ondorio guztietarako.

Aurrekoa ez da aplikatuko eskubidea heriotzagatik edo uko egiteagatik azkentzen den kasuetan; kasu horretan, organo eskudunak espediente artxibatuko du, alde aurretik horri buruzko berariazko ebazpena emanda.

Zerbitzua amaitzeko ebazpenaren ondoren, erabiltzaileak berriro ere zerbitzuan sartu nahi duela azaltzen badu, beste eskabide bat egin beharko du eta, hori, araudi honetan zehaztutakoaren arabera izapidetuko da.

Zerbitzua amaitu ondoren erabiltzaileak zerbitzuaren ordainketak ordaindu gabe baditu, horiek ordaintzeko eskatuko da, zerbitzua berriro eman aurretik.

## **22. artikulua- Adinekoentzako Eguneko Arretarako Landa-zentroko Zerbitzuaren barne-funtzionamenduari buruzko arauak**

Adinekoentzako Eguneko Arretarako Landa-zentroko Zerbitzuak barne-funtzionamenduko arauak izango ditu, II. eranskinean xedatutakoaren arabera.

## **23. artikulua- Adinekoentzako Eguneko Arretarako Landa-zentroko Zerbitzuaren prezio publikoa**

Une bakoitzean indarrean dagoen ordenantza fiskalak zehaztuko du erabiltzaileek zer prezio ordaindu behar duten Adinekoentzako Eguneko Arretarako Landa-zentroko Zerbitzuaren truke.

Zerbitzua ematen duten langileak eta, hala badagokio, enpresa adjudikaziodunek ez dute dohaintzarik ez ordainketa osagarriarik onartuko, aurreko paragrafoan ezarritakoa alde batera utzita. Enpresa adjudikazioduna betebeharrak hori beteaz arduratuko da.

## **24. artikulua- Finantzaketa**

Adinekoentzako Eguneko Arretarako Landa-zentroko zerbitzuaren finantzazioa honako hauen kontura izango da:

- Onuradunak zerbitzuaren finantzaketan parte hartu beharko du, eta organo eskudunak emandako ebazpenean ezarritako zenbatekoa ordaintzeko konpromisoa sinatuko du. Horretarako, onuradunaren



baliabide ekonomikoak kontuan hartuko dira, dagokion ordenantza fiskalean jasotakoaren arabera. Betekizun hori betetzea nahitaezkoa izango da zerbitzua ematen hasteko.

- Zerbitzuaren prezioaren eta onuradunak ordaindu beharreko ekarpenaren (kasuan kasuko ordenantza fiskalean jasotakoaren arabera kalkulaturakoa) arteko kenketatik lortzen den zenbatekoa administrazio publikoak ordainduko du.

## **25. artikulua.- Eguneko Arretarako Landa-zentroko Zerbitzuaren erabiltzaileen ekarpena**

Erregelamendu honen bidez araututako Eguneko Arretarako Landa-zentroaren zerbitzuaren erabiltzaileak zerbitzuaren prezio publikoa ordaindu beharko du. Zenbateko hori kalkulatzeko, onuradunaren gaitasun ekonomikoa kontuan hartuko da, dagokion ordenantza fiskalean xedatutakoaren arabera.

Erabiltzailearen ekarpena zehazteko, dagokion ordenantza fiskalean jasotako elementuak aintzat hartuko dira.

Gaitasun ekonomikoei buruzko datuetan gezurra esan edo daturik ezkututzen bada, eskabidea artxibatu edo zerbitzua amaituko da, jadanik zerbitzua ematen hasi bada. Gainera, horrek ez dio inolako kalterik eragingo gertakari horietatik erator litezkeen erantzukizunei. Administrazio eskudunak prezioa ordaintzeko laguntza edo hobariren bat eman badio erabiltzaileari, dirulaguntzak itzultzeko prozedura hasiko da.

Erabiltzaile bakoitzak egin beharreko banakako ekarpena ofizioz berrikusi ahal da, baita erabiltzaileak edo bere ordezkariak eskatuta ere, baldin eta dagokion ordenantza fiskalean xedatutako terminoetan ekarpena aldatzea eragin dezakeen aldaketarik badago betekizun eta inguruabarretan.

Berrikusteko prozedura, ofizioz edo alderdi batek eskatuta, erregelamendu honetan zerbitzua modalitate arruntean emateko ezarritako prozedurari egokituko zaio.

### **1. LEHENENGO XEDAPEN GEHIGARRIA**

Erregelamenduaren laburpen bat prestatuko da erabiltzaileei emateko.

### **2. XEDAPEN INDARGABETZAILEA**

Indargabetuta gelditzen dira lerrun bereko edo txikiagoko arau guztiak, araudi honetan ezarritakoaren kontra edo kontraesanean dagoen guztiari dagokionez.

### **3. AZKEN XEDAPENA**

Araudi hau Arabako Aldizkari Ofizialean argitaratu eta handik hamabost egunera sartuko da indarrean.

## **I. ERANSKINA.**

### **SARTZEKO BAREMOA.**

Sartzeko baremoak eskatzaileen zerranda ordenatzeko irizpideak ezartzen ditu, bai eta zerbitzura sartzeko lehentasuna ezarri ere, gizarte diagnostikoaren arabera.

#### **BAREMOAREN EGITURA:**

<b><i>DIMENTSIOAK</i></b>	<b><i>PUNTUAZIO-TARTEAK</i></b>
Eguneroko jarduerak (oinarrizkoak) egiteko laguntza behar izatea // Autonomia eta osasun-egoera	<b>0-30</b>
Bizikidetzaren eta babes sozialaren egoera	<b>0-25</b>
Etxebizitzaren edo bizitokiaren egoera	<b>0-10</b>
Egoera ekonomikoa	<b>0-30</b>
Familia berrelkartzea	<b>5</b>
Guztira	<b><u>0-100</u></b>

#### **I.- EGUNEROKO JARDUERAK (OINARRIZKOAK) EGITEKO LAGUNTZA BEHAR IZATEA // AUTONOMIA ETA OSASUN-EGOERA**

Pertsonen eguneroko bizitzako oinarrizko jarduerak egiteko (jan, jantzi, norbera garbitu) behar duten laguntza-maila baloratzea da helburua, haien autonomia-mailari eusteko eta sustatzeko eta beren ingurunean bizi-kalitate onarekin bizitzen jarrai dezaten laguntzeko.

Balorazio hori egiteko, MBBn eskuratutako puntuazioa erabiliko da, honela:



<b>Laguntzaren beharrari buruzko BAREMOA</b>	<b>Puntuak</b>	
MBB 23-39 puntu	30	<input type="checkbox"/>
MBB >39 puntu	15	<input type="checkbox"/>
MBB <23 puntu edo mendetasunaren baloraziorik gabe	10	<input type="checkbox"/>
<b>EGUNEROKO JARDUERAK (OINARRIZKOAK) EGITEKO LAGUNTZA BEHAR IZATEAREN PUNTUAZIOA (30 puntu gehienez ere)</b>		<input type="checkbox"/>

**II.- BIZIKIDETZAREN ETA BABES SOZIALAREN EGOERA:**

Erabiltzaileak bere beharrak estaltzeko duen laguntza-maila ezagutzea da helburua, honako aldagai hauen arabera:

- Bizikidetzeta-egoera: Bakarrik edo norbaitekin bizi den. Beste adineko batzuekin (senitartekoak edo lagunak) edo senide edo lagunekin bizi den.
- Sare informala existentzia, baliagarritasuna eta eskuragarritasuna (senideak eta/edo lagunak) eta sare horrek ematen dituen babes-motak.

Balorazio hori egiteko, baremo hau erabiliko da:

<b>Gizarte- eta familia-arloko BAREMOA</b>	<b>Puntuak</b>	
1.- Erabiltzailea bakarrik edo norbaitekin bizi da eta honako egoeraren bat bizi du: tratu txar fisikoak edo psikikoak, abusu ekonomikoa, utzikeria egoera, zabarkeria larria oinarrizko arretan, gatazkak eta/edo familiaren desegituraketa larria.	25	<input type="checkbox"/>
2.- Erabiltzailea bakarrik edo norbaitekin bizi da eta ez du familiaren eta/edo gizartearen laguntzarik: halakorik ez duelako edo ohiko zaintzaileak ezin diolako arretarik eskaini arrazoi objektiboengatik.	20	<input type="checkbox"/>
3.- Bakarrik bizi den eta familiaren/gizartearen laguntza-sare oso txikia duen pertsona; behar duen arretarako laguntza oso urria eta puntuala ematen du sareak. / Familiak gehiegizko kargak edo gizarte-egoera ezegonkorak ditu.	15	<input type="checkbox"/>
4 – Erabiltzailea bakarrik bizi da (edo mendetasuna/desgaitasuna duen beste pertsona batekin), familiaren eta/edo gizartearen laguntza-sare bat du, nolabaiteko babesa ematen diona, baina ez da nahikoa erabiltzaileak behar duen arretarako, edo osasun-arrazoiengatik mugatuta dauden edo lan-arloko betebeharrak dituzten pertsonekin bizi da, adinekoari arreta egokia ezin eman diezaioketenak.	10	<input type="checkbox"/>
5 – Erabiltzailea beste norbaitekin bizi da (mendetasunik ez duena), familiaren eta/edo gizartearen laguntza-sarea du, baina sare hori ez da nahikoa hark behar duen arretarako.	5	<input type="checkbox"/>
6 – Erabiltzailea bakarrik edo beste norbaitekin bizi da eta erraz balia dezakeen eta eskuragarri duen familiaren eta/edo gizartearen babesa dauka.	0	<input type="checkbox"/>
<b>GIZARTE- ETA FAMILIA-EGOERAREN PUNTUAZIOA (gehienez 25 puntu)</b>		<input type="checkbox"/>

**III.- ETXEBIZITZAREN EDO BIZITOKIAREN EGOERA.**

Etxebizitzaren edo bizitokiaren ezaugarriak baloratuko dira, pertsona baldintzatu baitezakete autonomia-mailari eta ingurunearen kontrolari dagokienez.

Kontuan hartu beharreko aldagaiak irisgarritasuna eta bizigarritasuna dira, baremo honen arabera:

<b>Etxebizitzaren edo bizitokiaren egoeraren BAREMOA</b>			
<b>IRISGARRITASUNA</b>		<b>Puntuak</b>	
<b>A. Eraikinaren kanpoalde</b>	➤ Ez dauka sartzeko arazorik.	0	<input type="checkbox"/>
	➤ Etxebizitzara iristeko eskailerrak igo edo jaitsi behar ditu, edo arkitektura-oztoporen bat gainditu behar du // Etxebizitza herrigunetik urrun dago, eta zailtasunak ditu oinarrizko baliabideak eskuratzeko.	2	<input type="checkbox"/>
<b>B. Eraikinaren barrualdea</b>	➤ Ez dauka sartzeko arazorik.	0	<input type="checkbox"/>
	➤ Atarian eskailerrak daude igogailura edo etxebizitzara iristeko, eta ez dago horiek ekiditeko sistemarik. // Ez dauka igogailurik.	2	<input type="checkbox"/>



Esp. kodea.: 2021APAK0005

Gaia: 2021/05/27 UDAL PLENOAREN OHIKO BILKURAREN AKTA

C. Etxebizitzaren barrualdea	➤ Ez dago arkitektura-oztoporik.	0	<input type="checkbox"/>
	➤ Arkitektura-oztopoak daude, mugikortasuna eta moldakortasuna mugatzen dutenak; ez dauka segurtasun- eta/edo egokitzapen-neurririk.	4	<input type="checkbox"/>
IRISGARRITASUNA GUZTIRA (A+ B+ C)			<input type="checkbox"/>

BIZIGARRITASUNA	Puntuak	
➤ Ez dauka bizigarritasun-arazorik.	0	<input type="checkbox"/>
➤ Mantentze-lan egokiak falta zaizkio.	1	<input type="checkbox"/>
➤ Egiturazko arazoak ditu (hezetasunak, komunik ez, sukalderik ez, itoginak, instalazio elektriko eta sanitario eskasak).	2	<input type="checkbox"/>
BIZIGARRITASUNA GUZTIRA		
<b>ETXEBIZITZAREN EGOERAREN PUNTUAZIOA (gehienez 10 puntu)</b>		

#### IV.- EGOERA EKONOMIKOA

Egoera ekonomikoa baloratzeko familiaren hileko gaitasun ekonomikoa kontuan hartuko da, ordenantza fiskalean ezarritakoaren arabera. 1.500 eurotik behera 12 tarte zehaztu dira, progresiboki puntuatuko direnak:

Familiaren hileko egoera ekonomikoaren BAREMOA	Puntuak	
500,00 eurora arte	30	<input type="checkbox"/>
501,00 eurotik 600,00 eurora	27	<input type="checkbox"/>
601,00 eurotik 700,00 eurora	24	<input type="checkbox"/>
701,00 eurotik 800,00 eurora	21	<input type="checkbox"/>
801,00 eurotik 900,00 eurora	18	<input type="checkbox"/>
901,00 eurotik 1000,00 eurora	15	<input type="checkbox"/>
1001,00 eurotik 1100,00 eurora	12	<input type="checkbox"/>
1101,00 eurotik 1200,00 eurora	9	<input type="checkbox"/>
1201,00 eurotik 1300,00 eurora	6	<input type="checkbox"/>
1301,00 eurotik 1400,00 eurora	3	<input type="checkbox"/>
1401,00 eurotik 1500,00 eurora	1	<input type="checkbox"/>
1500,00 eurotik gora	0	<input type="checkbox"/>
Ez du bere egoera ekonomikoa baloratzerik nahi.	0	<input type="checkbox"/>
<b>EGOERA EKONOMIKOAREN PUNTUAZIOA (gehienez 30 puntu)</b>		<input type="checkbox"/>

#### V.- FAMILIA BERRELKARTZEA

Eskatzaileren ezkontidea edo ezkontzaren antzeko harreman baten bidez hari lotuta dagoen pertsona (behar bezala egiaztatuta)

Eguneko Arretarako Landa-zentro batean dagoenean. **5 puntu**

#### II. ERANSKINA

##### **EGUNEO ARRETARAKO LANDA-ZENTROKO ZERBITZUAREN BARNE-FUNTZIONAMENDUKO ARAUAK.**

##### **Arau orokorrak**

- Erregelamendu honetan jasotakoa ezagutu eta betetzen saiatu beharko da.
- Bizikidetzara-arauek beteko dira, bai eta higiena eta elkarren arteko errespetua gordeko ere, bai zentroaren barruan, bai zentroak eskaintzen dituen jarduerekin zerikusia duen beste edozein lekutan, giro ona sortzeko asmoz.



- Eskura jarritako zentroko zerbitzuak eta instalazioak behar bezala erabiliko dira.
- Aurkitzen den edozein objektu zentroko langileei edo oinarrizko gizarte-zerbitzuko langileei entregatuko zaie.
- Zentrora balio handiko objekturik edo diru-kopuru handirik ez eramatea gomendatzen da.
- Ezarritako ordutegiak errespetatuko dira. Ordutegian aldaketarik egonez gero, aldaketak aurrerapen nahikoarekin jakinaraziko dira.
- Arreta jarriko da ahoz edo idatziz jakinarazten diren arau eta oharretan, eta horiek betetzen saiatuko da, zentroak ondo funtzionatu dezan.

#### ***Otorduei buruzko arauak***

- Adierazitako orduetan emango dira otorduak.
- Dieta bereziak eskaintzeko aukera egongo da. Kasuan kasuko dieta gomendatzen duen txosten medikoa aurkeztu beharko da horretarako. Menua iragarki-taulan jarriko da ikusgai.
- Ezingo da zerbitzuan janaririk edo tresnarik sartu, ezta atera ere, hala nola mahai-tresnak, edalontziak, platerak eta ezpainzapiak.
- Ganoraz jateko ahalegina egin beharko da, gainerakoentzat desatseginak izan daitezkeen jateko moduak alde batera utzita.

#### ***Arropari eta norberaren higienerari buruzko arauak***

- Zentroa arropak garbitzeaz arduratuko da soilik, zerbitzu hori esleituta duten erabiltzaileen kasuan.
- Erabiltzaile bakoitzak norberaren higienerako tresnak izango ditu zerbitzuan, eta ordezeko arropa-sorta oso bat.
- Arropa markatzea gomendatzen da, nahasterik egon ez dadin.
- Itxura pertsonala zaintzea ongizate-faktorea da erabiltzailearentzat eta inguruko pertsona guztiarentzat; horregatik, erabiltzailea behar bezala janztea eta garbitzea gomendatzen da, jakina, bere gustu eta ohituren arabera. Arropa eta zapatak ahalik eta erosoak izan beharko dira.
- Bainatzeko zerbitzua esleituta izanez gero, intimitate-baldintza zorrotzetan egingo da, horretarako adierazitako ordutegien barruan. Erabiltzaileak bainatzeko zailtasunak baditu, zerbitzuko langileek laguntza emango diote.

#### ***Segurtasunari eta osasun publikoari buruzko arauak***

- Zerbitzuaren instalazio guztietan erretzea debekatuta dago.

#### ***Langileekiko harremanei buruzko arauak***

- Zerbitzuko langileak erabiltzailearen esanetara daude, erabiltzaileak jasotzen duen arreta ahalik eta kalitaterrik handienekoa izan dadin.
- Pertsona guztiengana hurbil daiteke, inolako mugarik gabe, baina adeitasunez eta errespetuz.
- Arreta jarriko da zerbitzuko langileek zerbitzu osoaren eta erabiltzailearen onurarako ematen dituzten argibidetan.
- Zerbitzuko langileek laguntza emango diete behar duten pertsonen. Salbuespen gisa, erabiltzailearen senideek edo lagunek eta boluntarioek ere laguntza eman ahalko dute, betiere zerbitzuaren arduradunarekin edo zerbitzuko langileekin adostuta.
- Pertsona guztiak, bai erabiltzaileak bai profesionalak, eskubidea dute errespetuz, zuzentasunez eta ulermen osoz arreta pertsonalizatua jasotzeko.

#### ***Familiekiko harremanei buruzko arauak***

- Familiekiko komunikazioak behar bezain ohikoa eta arina izan beharko du, batez ere, pertsona berriaren egokitzapen-aldian.



- Erabiltzailea ez bada Eguneko Arretarako Landa-zentroko Zerbitzura joango, berehala jakinarazi beharko du, zerbitzuak ez-etortzearen berri izan dezan eta, hala badagokio, garraio-zerbitzua bera jasotzera joan ez dadin.

#### **Garraioari buruzko arauak**

- Erabiltzaileak egokitutako garraio-zerbitzua esleituta badu, sartu aurretik egingo zaion elkarrizketan garraio-zerbitzuaren inguruko alderdiak adierazi beharko dira, hala nola ordutegiak, geltokiak eta abar.
- Egun jakin batzuetan erabiltzaileak garraio-zerbitzurik behar ez badu, beharrezkoa eta premiazkoa izango da adinekoentzako Eguneko Arretarako Landa-zentroaren zerbitzuari edo udaleko gizarte-zerbitzuari jakinaraztea, beste erabiltzaile batzuen ordutegiak kaltetu ez daitezen. Hori ezinezkoa bada, salbuespen gisa, ibilgailuaren gidariari jakinarazi ahalko zaio. Komeni da ez-etortzearen arrazioen berri ematea.

#### **Irteeren erregimena eta bisitak egiteko ordutegia**

- Erabiltzaileak, erabiltzaile izateagatik, zentroan programatutako jardueretan parte hartzeko eskubidea izango du. Erabiltzailea zentrotik irten ahal izango da, betiere zentroko dinamika kaltetzen ez badu eta profesionalen lantaldeari jakinarazi ostean. Arrazoiaren batengatik erabiltzailea ezin bada bakarrik atera, zerbitzuko langileek, lagunek, senitartekoez edo erabiltzailearekin harremana dutela egiaztatzen duten boluntarioek lagundu ahalko diote.
- Zerbitzuren batera edo guztietara egun batez edo gehiagoz ez joateko asmoa badu, horren berri eman beharko dio adinekoentzako Eguneko Arretarako Landa-zentroko Zerbitzuko langileei eta/edo udaleko gizarte-zerbitzuetako langileei.
- Senide edo lagunak bisitak, egoera berezietan izan ezik, aldeztu aurretik jakinarazi beharko zaizkie Eguneko Arretarako Landa-zentroko Zerbitzuko langileei, horrela, programatutako jarduerak eta horien dinamika beharrik gabe eten ez daitezen.

#### **Erabiltzaileari arreta emateko bideak**

- Zerbitzuan parte hartzea faktore garrantzitsua da, eta oso eragin positiboa du zerbitzuaren eguneroko bizitzan eta martxa orokorrean.
- Erabiltzaileak zuzenean parte har dezake Eguneko Arretarako Landa-zentroaren kudeaketan. Horretarako, bere iritzia eta iradokizunak helaraz diezazkioke udaleko gizarte-zerbitzuari edo profesionalen lantaldeari, antolamenduaren, funtzionamenduaren edo praktika profesionalen alderdiekin lotutakoak, eta zerbitzuaren kalitatean eragina dutenak edo, zuzenean edo zeharka, beren eskubideen erabileran eragina dutenak.
- Zentroaren dinamika soziokulturalean parte hartzea borondatezkoa izango da. Erabiltzaileentzat egokituta egongo da eta haien proposamenak ongietorriak izango dira. Erabiltzaileen eskaerei ahal den neurrian erantzun zaie.
- Erabiltzaileari zuzenean eragiten dion edozein erabaki kontsultatuko zaio, eta hala eskatzen bada edo komenigarritzat jotzen bada, erreferentziako senideari ere egingo zaio kontsulta.

#### **Erreklamazioak egiteko prozedura, kexen eta iradokizunen araubidea.**

- Erabiltzaileak edo bere konfiantzako pertsona batek (horretarako beren-beregi izendatutakoak) iradokizun, erreklamazio edo kexaren bat jarri nahi badu, udaleko gizarte-zerbitzuari eska dakiokkeen erreklamazio-urri baten bidez eta/edo zuzenean egin dezake hori. Konfidentzialtasuna une oro bermatuko da.
- Kexak jaso eta formalki izapidetzeko arduraren udaleko gizarte-zerbitzuaren arduradunak izango du.
- Kexa idatzeko arazorik izatekotan, gizarte-langile batek laguntza eta aholkularitza emango dio, kasuan kasuko eskaera izapidetuz eta eskaerari erantzun puntuala emanez.
- Horrez gain, iradokizunak egiteko gutunontzi bat dago, non iradokizunak sar daitezkeen. Konfidentzialtasuna une oro bermatuko da. “

Bestalde, eguneko arretarako landa zentroaren zerbitzuaren prezio publikoak ezartzen dituen araudiak, (ordenantza fiskalak) honela dio, hitzez hitz:

**“ARAMAIOKO UDALAREN EGUNEKO ARRETARAKO LANDA-ZENTROAREN ORDENANTZA FISKALA**





### **1. artikulua- Xedea.**

Ordenantza honen xedea da Eguneko Arretarako Landa-zentroaren prezio publikoen aplikazioa arautzea, eta bereziki:

- Zerbitzuaren pertsona erabiltzaileak prezio publikoan duen parte-hartze ekonomikoa zehazteko irizpideak.
- Sortzapena eta ordainketa arautzen duten irizpideak.
- Prezio publikoak ordaintzera behartuta dauden pertsonen gaitasun ekonomikoa zehazteko irizpideak.
- Prezio publikoen zenbatekoa eta gaitasun ekonomikoaren arabera ezarri beharreko hobariak zehaztea.

### **2. artikulua- Esparrua**

Ordenantza fiskal hau Eguneko Arretarako Landa-zentroari ezarriko zaio; kudeaketa zuzeneko araubidean zein hitzarmen bidez beste erakunde publiko batzuekin, eta kontzertu, hitzarmen edo kontratu bidez erakunde pribatuekin.

### **3. artikulua- Ordaindu behar duten pertsonak**

1. Prezio publikoa ordaindu beharko dute:
  - a) Eguneko Arretarako Landa-zentroaren zerbitzua zuzenean jasotzen duten pertsona fisikoak, 1. paragrafo honetako b) ataleko kasuan ez daudenean.
  - b) Helduak badira, legezko ordezkariaren edo izatezko zaindarearen bidez jarduten badute, azken horiek ordaindu beharko dituzte; hala ere, kasu horietan, ordezkaturako pertsonaren errentaren eta ondarearen kontura egingo da ordainketa, eta gaitasun ekonomikoa ordezkaturako pertsonarena izango da.
2. Hala badagokio, subsidiarioki ordaintzera behartuta egongo dira erabiltzaileak edo haren ezkontideak edo ezkontzaren antzeko harreman baten bidez hari lotuta dagoen pertsonak —ordenantza fiskal honetako lehen xedapen gehigarrian zehaztutako moduan— dohainik eskualdaturikoaren onuradun diren pertsonak; 60 urtetik aurrera edo zerbitzuaren lehen eskaera aurkeztu aurreko 10 urteko epean.

Ordaintzeko betebeharra merkatuko balio eguneratura iristen da ondasun higiezinaren kasuan, zorra eskatzeko upean. Gainerako ondasunen dohaintzetan, ordaintzeko betebeharra, dohaintzaren datan, eskualdaketa-baliora arte iritsiko da, dagokion KPIaren arabera eguneratuta.

Era berean, erabiltzailearen ondare osoa edo zati bat bahitu egin bada abal-emaile, hipoteka-bermatzaile edo antzeko figura gisa hirugarren baten alde sinatu duelako, hirugarren pertsona horrek, subsidiarioki, prezio publikoa ordaindu beharko du. Ordaintzeko betebeharra abala, hipoteka edo antzeko figura eratzeko eskriturretan edo, halakorik ezean, embargo-eskriturretan esleitutako tasazio-baliora arte iristen da.

## **I. TITULUA: ERABILTZAILAREN PARTE-HARTZE EKONOMIKOA**

### **4. artikulua- Prezio publikoaren ordainketa osoa**

1. Eguneko Arretarako Landa-zentroa ordaintzera behartuta dauden pertsonak, ordenantza fiskal honetako 3.1 artikuluan aurreikusitako moduan, dagokion prezio publikoa ordainduko dute, osorik, horretarako behar adinako gaitasun ekonomikoa dutenean, prezio hori ordainduko dela ziurtatzeko berme egokiak formalizatzea eska badaiteke ere.
2. 1. paragrafoan aurreikusitakoari dagokionez, ordenantza fiskal honetako 3.1. artikuluan aurreikusitakoari jarraikiz ordaintzera behartuta dauden pertsonak behar adinako gaitasun ekonomikoa dutela ulertuko da, baldin eta ahalmen hori, ordenantza fiskal honetako III. tituluko I. kapituluaren aurreikusitakoarekin bat etorriz, II. eranskinean adierazitako mugen parekoa edo handiagoa bada, zerbitzu motaren arabera.
3. Ordenantza fiskal honetako 3.1. artikuluan aurreikusitakoari jarraikiz ordaintzera behartuta dagoen pertsonaren gaitasun ekonomikoa txikiagoa bada artikuluan honen 2. paragrafoan aipatutako mugak baino, subsidiarioki ordaintzeko betebeharra dute pertsonengana (3.2 artikuluan zehaztuak) joko da —halakorik balego—, erabiltzailearen ekarpena osa dezaten, prezio publikoaren zenbateko osoa estali arte, edo prezio publiko osoa ordain dezaten, 3.1. artikuluan aurreikusitakoari jarraikiz ordaintzera behartuta dagoen pertsonaren gaitasun ekonomikoak ez dienez uzten ekarpenik egiten.

### **5. artikulua- Hobariak**

1. 3.1. artikuluan aurreikusitakoari jarraikiz ordaintzera behartuta dauden pertsonak ez badute prezio publikoa osorik ordaintzeko adinako gaitasun ekonomikorik, II. eranskinean zehazturiko mugetatik behar den delako, hobariak jaso ahal izango dituzte kasuan kasuko prezio publikoetan.



2. Aurreko paragrafoan aipatzen diren prezio publikoari ezartzen ahal zaizkion hobariak zehazteko, gehikortasun-printzipioa hartuko da kontuan, erabiltzailearen gaitasun ekonomikoaren arabera. Printzipio hori ordenantza fiskal honetako III. tituluko I. kapituluan ezarritako irizpideen arabera zenbatuko da.
3. Artikulu honetan aurreikusitako hobariak ordenantza fiskal honen III. eranskinean zehazten dira, eta I. eranskinean zehazturiko prezio publikoak indarrean dauden bitartean ezarriko dira. Prezio horiek 16. artikuluan ezarritako bidetik eguneratu edo aldatzen direnean, dagozkien hobariak zehaztuko dira.

#### **6. artikulua- Erabilera-motaren arabeko salbuespen partzialak**

1. Eguneko Arretarako Landa-zentroaren zerbitzua erabiltzen duten pertsonak gizartean eta familian integratzea errazteko, erabiltzaileak 5 egun edo gehiago jarraian egoten badira zentrotik kanpo —betiere, egun horiek bat badatoz zerbitzua benetan martxan dagoen egunekin—, urtean gehienez ere 45 egun, lanpostua gordetzeagatik eta adierazitako aldietan, esleituta duten prezio publikoaren % 60a ezarriko zaie. Gizartean eta familian integratzearen ziozko ez egoteak urteko 45 egun gainditzen baditu, ez da ezarriko salbuespen partziala, eta esleitutako prezio publiko osoa ezarriko da berriz ere 46. egunetik aurrera.
2. Ospitaleratze-kasuetan ez da prezio publikoaren ordainketaren salbuespen partzialik ezarriko eta, beraz, ez da prezio publikoaren sortzapena etengo. Aurrekoa alde batera utzi gabe, erabiltzaileak 7 egun edo gehiago ematen baditu jarraian ospitalerata, erabiltzaileak ordaindu beharreko prezioa % 90ekoa izango da, ospitaleratze-aldiaren lehen egunetik aldi hori amaitzen denera arte, salbu eta aldi hori zerbitzu horretara sartzeko araudian aurreikusitako gehieneko etenaldia baino luzeagoa bada; hortik aurrera, iraungi egingo da ospitaleratzearen aurretik erabiltzen zuen zerbitzua.
3. Ez da prezio publikoaren ordainketaren salbuespen partzialik ezarriko, zerbitzua eskuratzeari buruzko araudiaren arabera, eskatzen den informazioa eta dokumentazioa berandu aurkeztearen zioz edo prezio publikoa behin baino gehiagotan ez ordaintzearen zioz gerta daitezkeen zerbitzuaren etete-kasuetan.

#### **7. artikulua- Erabilera libreko diru-kopurua**

Erabilera libreko zenbatekoa bermatuta geldituko da, zerbitzu mota bakoitzari dagozkion hobariak (ordenantza fiskal honen III. eranskinean ezarriak) zehazteko formularen bidez.

## **II. TITULUA SORTZAPENA ETA ORDAINKETA**

#### **8. artikulua.- Sortzapena**

Arautegi honetan araututako prezio publikoa ordaintzeko beharra hasiko da zerbitzua benetan ematen hasten denean, eta egun horretatik zerbitzua behin betiko eteten den egunera arte igarotako aldia kontuan hartuko da.

#### **9. artikulua.- Ordainketa**

Esleitutako prezio publikoak —osoak, hobaridunak zein zati batean salbuetiak— ordainagiria kobratzeko aurkezten zaion unean ordainduko dira, banku-helbideratzearen bidez.

## **III. TITULUA. KUDEAKETA- ETA LIKIDAZIO-ARAUAK**

### **I. KAPITULUA. GAITASUN EKONOMIKOA ZEHAZTEA**

#### **10. artikulua- Gaitasun ekonomikoaren osagaiak**

1. 3.1. artikuluan aurreikusitakoari jarraikiz ordaintzera behartuta dagoen pertsonaren gaitasun ekonomikoa kalkulatzeko, prezio publikoan duen parte-hartzea zehazteko xedearekin, familia-unitatearen errenta eta ondarea baloratuko dira, urteko zenbaketan, eta horretarako kapitulu honetan ezarritako balorazio-irizpideak ezarri.
2. Gaitasun ekonomikoa zenbatzeko, honako hauek erabiliko dira:
  - a) Eskura dauden azken datu fiskalei dagozkien balioak, salbu eta, geroago, balio horiek aldatu dituen gertaera garrantzitsuren bat gertatu bada; kasu horretan, daturik berrienak hartuko dira kontuan.
  - b) Hiri- edo landa-lurreko ondasunen kasuan, horiek katastroko balioaren arabera zenbatuko dira, erreferentziatzat hartuta eskura dauden azken datu fiskalak. Balio hori autonomia-erkidego edo lurralde historiko bakoitzeko ondasun higiezinak baloratzeko araudiaren arabera dago eguneratuta.
  - c) Edozein motatako ondasunen dohaintzak edo haien gaineko eskubideen uko egiteak dohaintzaren egunean eskualdatutako balioaren arabera baloratuko dira, dagozkion KPlaren arabera eguneratua.



### 11. artikulua- Errenta

1. Aurreko artikuluan aurreikusitako gaitasun ekonomikoa kalkulatzeko, errenta edo diru-sarrera konputagarritzat hartuko dira familia-unitateak urtero dituen etekin eta eskubideak, lanaren ondoriozkoak, honako hauetatik datozenak:
  - a) Funts publiko edo pribatuen kargurako pentsioak eta prestazio ekonomikoak, jasotzen diren diru-sarrera gordinak kontuan hartuta; ondorio horietarako, halakotzat hartuko dira zerbitzua jasoko duen pertsonak dituen pentsioak, sorospenak, prestazio ekonomikoak edo beste edozein eskubide ekonomikoak, artikulua honetako 2. paragrafoan aurreikusitakoak izan ezik.
  - b) Norbere edo besteren kontura egiten den lanetik eratorritako etekin osoak.
2. Errenta zehazterakoan, ez dira zenbatuko honako prestazio hauek:
  - a) Autonomia pertsonala sustatzeari eta mendekotasun-egoeran dauden pertsonak zaintzeari buruzko azaroaren 14ko 39/2006 Legean ezarritako prestazio ekonomiko finalistak: Familia-inguruneke zainketetarako eta zaintzaile ez-profesionalei laguntzeko prestazio ekonomikoa, laguntza pertsonalerako prestazio ekonomikoa eta zerbitzuari lotutako prestazio ekonomikoa.
  - b) Ondoko prestazioak, a) atalean aurreikusitako izaera eta xedearen antzekoak:
    - Gizarte Segurantzari buruzko Lege Orokorraren testuategina onetsi zuen urriaren 30eko 8/2015 Legegintzako Errege Dekretuko 194. artikuluan eta hurrengoetan arautzen den baliaezintasun handiagatik osagarria.
    - % 75eko edo hortik gorako desgaitasuna duen 18 urtetik gorako seme-alabagatik esleipen ekonomikoaren osagarria, Gizarte Segurantzari buruzko Lege Orokorraren testuategina onartzen duen urriaren 30eko 8/2015 Legegintzako Errege Dekretuaren 353.c) artikuluan ezarritakoa.
    - Gizarte Segurantzari buruzko Lege Orokorraren testuategina onetsi duen urriaren 30eko 8/2015 Legegintzako Errege Dekretuaren 364. artikuluan (Gizarte Segurantzaren arloko xedapen espezifikoak buruzko abenduaren 10eko 52/2003 Legeak aldatua) ezartzen den beste pertsona baten beharrezko ziozko kotizazio gabeko baliaezintasun pentsioaren osagarria;
    - hirugarren pertsonarengatik laguntza (desgaitasuna duten pertsonak gizarteratzeari buruzko apirilaren 7ko 13/1982 Legearen 12.2.c). artikuluan ezartzen dena eta desgaitasuna duten pertsonen eskubideei eta haien gizarteratzeari buruzko Lege Orokorraren Testuategina onartzen duen azaroaren 29ko 1/2013 Legegintzako Errege Dekretuan mantentzen dena), legegintzako errege dekretu horren onuradun izateaz gain, lege horren xedapen iragankor bakarrean jasotzen diren baldintzak betetzen dituztenentzat.
3. Errenta baloratzeko, Arabako Foru Aldundiaren Ogasun, Finantza eta Aurrekontuetako Foru Sailak emandako informazioa hartuko da erreferentzia gisa, 10.2 artikuluan aipatutako datu fiskal erabilgarrien arabera. Diru-sarreratzat hartuko da honako kontzeptu hauen batura:
  - lanaren ziozko etekin osoak;
  - lanbide-, enpresa-, nekazaritza- eta abeltzaintza-jardueren etekin osoak;
  - egotzitako salbuetsitako lan-errentak guztira.
    - Artikulu honetako 2. paragrafoan adierazitako errentak jasotzen diren kasuetan, prestazio ekonomiko horien egiaztatzea aurkeztu behar da, paragrafo horretan aurreikusitako ondorioetarako salbuetsitako zenbatekoa zehazteko.
4. Hileko errenta zehazteko, urteko errenta hamabi hilerokotan banatuko da.

### 12. artikulua.- Ondarea

1. 10. artikuluan aurreikusitako ondorioetarako, ondareztat hartuko da:
  - Guztiz edo zati batean familia-unitatea osatzen duten pertsonen titulartasunekoak diren ondasun eta eskubide ekonomikoak, eskuragarri dauden azken datu fiskalak erreferentziatzat hartuta, eta finantza-aktiboei buruz eskatzen den informazioarekin osatuta.
  - Kalte-ordainak eta kapitalizaturiko errentak, ekitaldi batean edo gehiagotan sortutakoak.
  - Erabiltzaileak edo haren ezkontideak edo ezkontzaren antzeko harreman baten bidez hari lotuta dagoen pertsonak —lotura hori foru dekretu honen lehen xedapen gehigarrian zehazten den moduan— edo ordaintzera behartutako pertsonak dohainik eskualdatu dituen ondasun eta eskubideen balioa, dohaintzaren egunean duen transmisio-balioarekin, dagokion KPIaren arabera eguneratua.
2. Ez dira kontuan hartuko ondarean:



- a) Ohiko etxebizitza, aparteko balioa duenean izan ezik. Aparteko balio hori duela ulertuko da haren balio katastrala 250.000 eurotik gorakoa denean; kasu horietan, ondarearen ondorioetarako, muga horrekiko balio katastralaren soberakina kontatuko da.

Ez da ohiko etxebizitzatzat hartuko, hala bazen ere, izaera hori galtzen badu etxebizitzaren titularra edozein modalitatetako egoitza-zentro edo behin betiko landa-eremuko ostatu-zerbitzuan sartu delako behin betiko, salbu eta 24. artikuluan definituriko familia-unitatea osatzen duten pertsona bat edo batzuk etxean geratzen direnean.

Ondorio horietarako, ohiko etxebizitzaren kontzeptuan sartuko da, etxebizitzaz beraz gain, garaje bat eta/edo trasteleku bat, zein, landa- edo hiri-izaera duen familia bakarreko etxebizitza bada, bereizita ez dagoen erantsitako lurzatia.

- b) Ondasun eta eskubideek dituzten karga eta zamak eta beren balioa murrizten dutenak, salbu eta ohiko etxebizitzarako den higieztina eskuratzeko direnak edo, Gizarte Ongizaterako Foru Erakundeak onetsi ondoren, hura birgaitzeko direnak. Karga konputagarri horiek ezingo dute inola ere sortu balio garbi negatiborik.
- c) Zor eta betebeharrak pertsonalak.
- d) Bereziki babesturiko ondarrera ekarritako ondasun eta eskubideak, azaroaren 18ko 41/2003 Legearen babesean (desgaitasuna duten pertsonen ondarea babestekoa eta Kode Zibila, Prozedura Zibilaren Legea eta Zerga Araudia aldatzen dituena), helburu honekin, salbu eta aipaturiko ondarearen titularra bada zerbitzua jasotzen duena, ondare horrek pertsonaren bizi-premiak asebetetzen duen heinean, aipaturiko legearen 1.1 eta 5.4 artikuluetan aurreikusitakoaren arabera.
- e) Landa- edo hiri-izaera duten ondasun higieztinak, jarduera ekonomiko bati lotutakoak; horien etekinak errenta zehazteko hartzen dira kontuan, 11. artikuluan ezarritako moduan.

Hileko ondarea zehazteko, ondarearen urteko zenbatekoa hamabi hilerokotan banatuko da.

### 13. artikulua- Familia-unitatea

1. Kapitulu honetan aurreikusitako ondorioetarako, familia unitateko kideetat hartuko dira honako hauek:

- zerbitzua baliatuko duen pertsona;
- haren ezkontidea edo legez aitortutako eta behar bezala egiaztatutako antzeko harreman baten bidez hari lotuta dagoen pertsona, lehenengo xedapen gehigarrian definituriko moduan.
- haren ondorengo adingabeak, betiere eskatzaileak haien guraso-ahala baldin badu eta haien mantenu ekonomikoari laguntzen badie, zati batean edo erabat.
- ehuneko 65eko edo gehiagoko desgaitasuna duten 18 urtetik gorako seme-alabak, betiere, zerbitzuaren onuradunarekin bizi badira;
- ikasketa akademiko aratuak egiten ari diren 18 eta 25 urte arteko ondorengoak, betiere, eskatzaileak haien guraso-ahala baldin badu eta haien mantenu ekonomikoari laguntzen badie, zati batean edo erabat.

Ondorengoen zaintza partekatua dagoen kasuetan, pertsona horiek zerbitzua eskatzen duen pertsonaren familia-unitatean sartuko dira. Aurreko bi ahaideek foru-zerbitzua eskatzen dutenean, lehenengo ondorengo mendekotasun-mailarik handiena duen eskatzailearen familia-unitatean sartuko da; bigarrena mendekotasun-mailarik txikiena duen eskatzailearen familia-unitatean, eta horrela, hurrenez hurren, ondorengo kopuruaren arabera.

2. Edonola ere, pertsona bat familia-unitate bakarreko kide izango ahalko da soilik.

### 14. artikulua- Gaitasun ekonomikoa baloratzeko irizpideak

1. Gaitasun ekonomikoa familiaren urteko errenta eta familia-ondarearen urteko ondorengo ehunekoak (erabiltzailearen adinaren arabera aldatzen direnak) batzearen ondoriozko zenbatekoaren baliokidea izango da, jarraian zehazten den bezala:

65 urtetik gorako pertsonak, beren ondarearen ehuneko 20. Atal honetan ezarritakoa aplikatuko zaie, halaber, 65 urte izan ez arren, adinekoentzako zerbitzu edo zentroetara salbuespenez sartzen direnei.

2. Prezio publikoa familia unitatearen gaitasun ekonomikoaren arabera zehazten den zerbitzuen kasuan, irizpide espezifiko hauek aplikatu beharko dira:

- a) Familia-unitatea pertsona bakarrekoa denean, 1. paragrafoan ezarritakoa zuzenean aplikatuz kalkulatu da gaitasun ekonomikoa.
- b) Familia-unitatea bi lagunek osatzen dutenean, aplikagarria den prezio osoa edo hobariduna kalkulatzeko, 1. paragrafoan aurreikusitakoarekin bat kalkulatu hileko gaitasun ekonomiko osoaren % 80 hartuko da kontuan.



- c) Familia-unitatea bi lagunek baino gehiagok osatzen dutenean, b) atalean aurreikusitako % 80ko portzentajea % 5 murriztuko da gainerako pertsona bakoitzeko.

Hileko gaitasun ekonomikoa zehazteko, urteko gaitasun ekonomikoa hamabi hilerokotan banatuko da.

## II. KAPITULUA: EBAZPENA, BERRIKUSPENA ETA EGUNERAKETA

### 15. artikulua- Ebazpena

Organo eskudunaren ebazpenak zerbitzu horri aplikatu beharreko prezio publiko osoa adieraziko du, bai eta, hala badagokio, gaitasun ekonomikoaren arabera dagokion prezio publiko hobariduna ere.

### 16. artikulua- Ofiziozko berrikuspena eta jakinarazteko betebeharra

1. Eguneko Arretarako Landa-zentroa erabiltzeagatik ordaindu beharreko prezio publikoak —osoak, hobaridunak zein zati batean salbuetsiak— ofizioz berrikusi ahal izango ditu organo eskudunak, edo interesdunak edo haren legezko ordezkariak edo izatezko zaintzaileak eskatuta, bai banakako berrikuspenaren esparruan, bai berrikuspen orokorraren esparruan. Berrikuspen horien ondorioz, prezio publikoa aldatu ahal izango da, baldin eta egiaztatzen bada hura zehazteko oinarri izan zen gaitasun ekonomikoa funtsezko aldaketaren bat gertatu dela, dagokion ebazpenaren bidez.
2. Aurrekoaren ondorioetarako, ordenantza fiskal honetan aipatzen den prezio publikoko zerbitzuen erabiltzaileak —edo, hala badagokio, bere legezko ordezkariak edo izatezko zaintzaileak—, gehienez ere hogeita hamar eguneko epean jakinarazi beharko du, gertatzen den egunetik zenbatzen hasita, bere bizikidetzako egoeran, egoera zibilean, egoitzan, errentan edo bizikidetzagatik konputagarriak diren ondareetan (norberarenak edo besteenak) aldaketaren bat ematen bada; era berean, erabiltzaileari esleitutako prezioetan eragin dezaketen gorabeheren berri eman beharko du.
3. Administrazio eskuduna jakitun bada gaitasun ekonomikoa aldaketaren bat izan dela eta aldaketa hori ez dela behar bezala jakinarazi aurreko paragrafoan aurreikusitako moduan, esleitutako prezio publikoa berrikusiko du, inguruabar berrietara egokitzeko. Bi kasu eman ahalko dira:
  - a) Esleitutako prezio publiko berria aurretik esleitutakoa baino handiagoa bada, atzerako eraginarekin aplikatuko da, aipatutako inguruabarrak aldatu diren egunera, eta 3.1 artikuluan aurreikusitako moduan ordaintzera behartutako pertsonarentzat epe horretan metatutako atzerapenak ordaintzeko betebeharra sortuko du.
  - b) Esleitutako prezio publiko berria aurretik esleitutakoa baino txikiagoa bada, ez da atzeraeraginez aplikatuko.
4. Administrazioari gaitasun ekonomikoa aldaketaren bat izan dela jakinarazi bazaio, eta administrazio horri egotz dakizkiokeen arrazoiengatik, 2 hilabeteko epean ez bada berrikusi prezio publikoa, bi kasu gerta daitezke:
  - a) Esleitutako prezio berria aurretik esleitutakoa baino handiagoa bada, ezingo da atzeraeraginez aplikatu.
  - b) Esleitutako prezio berria aurretik esleitutakoa baino txikiagoa bada, administrazioak bidegabe kobraturiko zenbatekoak itzuli beharko ditu.

### 17. artikulua- Prezio publikoen eguneraketa

Ordenantza fiskal honetan ezarritako prezio publikoak ordenantza baten bidez eguneratu beharko dira. Ordenantza horrek, halaber, aplikatu beharreko hobariak zehaztuko ditu eta behar adinako gaitasun ekonomikoa mugatuko du.

## III. KAPITULUA: PREZIO PUBLIKOEN ZIOZKO ZORRAK

### 18. artikulua- Prezio publikoen ziozko zorrak

1. Zerbitzuak sorrarazitako eska daitekeen prezio publikoari —prezio osoa zein prezio hobariduna— dagokion ordainagiria ez bada ordaindu bankuak atzera bota duelako, horren zenbatekoa eskatuko da, eta 30 egun naturaleko epea emango zaio ordaintzera behartutako pertsonari zor duen zenbatekoa ordaindu dezan edo ordainketa zatika ordaintzeko eska dezan.
2. Aurreko puntuan aipatutako epea eskatutako zenbatekoa ordaindu gabe edo ordainketaren zatikapena eskatu gabe iraganik, 1. paragrafoan aipatutako prezio publikoa premiamenduzko administrazio-prozeduraren bidez eskatuko da.
3. Eska daitekeen prezio publikoa behin baino gehiagotan ordaintzen ez bada, zerbitzua jasotzeko eskubidea eten ahalko da.



4. Sartzeko prozedura batean egiaztatuko balitz ordenantza fiskal honen 3.1 artikuluan aurreikusitakoaren arabera ordaintzera behartuta dagoen pertsonak aurretiko zorrak dituela Eguneko Arretarako Landa-zentroari dagokion prezio publikoa ordaindu ez izanagatik, pertsona eskatzaileari eskatuko zaio, 30 egun naturaleko epean — dagokion jakinarazpena jasotzen den egunetik zenbatzen hasita—, ordain ditzala zor dituen zenbatekoak edo eska diezaiola organo eskudunari zorra zatikatzeke, artikuluko honen 1. eta 2. ataletan aurreikusten den bezala.

Pertsonak ez badu errekurtsorik aurkezten zorraren ordainketarako, zerbitzu berria sartzeko eskaeran atzera egin duela ulertuko da, eta artxibatu egingo da, beste izapiderik gabe, horretarako eskumena duen organoak ebazpena eman ondoren. Hala ere, pertsona horrek, ondoren, zorra ordaindu eta sartzeko beste prozedura bati ekin ahal izango dio.

**LEHENENGO XEDAPEN GEHIGARRIA. Ezkontzaren antzeko harremana.**

1. Ordenantza fiskal honen ondorioetarako, ezkontzaren antzeko harremanaren bidez lotuta daudela ulertzen da izatezko bikoteei buruzko maiatzaren 7ko 2/2003 Legean (autonomia-mailan dagoena indarrean) zehaztutako izatezko bikoteak.
2. Lotura hori Euskal Autonomia Erkidegoko Izatezko Bikoteen Erregistroaren ziurtagiriaren bidez edo, hala badagokio, Udala Erregistroaren ziurtagiriaren bidez egiaztatu beharko da, aipatutako Legearen 3. artikuluan araututako moduan.

**BIGARREN XEDAPEN GEHIGARRIA. Ohiz kanpoko egoerak.**

1. Eguneko Arretarako Landa-zentroaren erabiltzaileek izan ditzaketen inguruabar sozial eta/edo ekonomiko bereziak kontuan hartuta, organo eskudunak hobari partzialak edo osoak adierazi ahal izango ditu edo, hala badagokio, ordenantza fiskal honetan aurreikusitako hobariak, salbuesitako zenbatekoak edo erabilera libreko zenbatekoak gehitu ahalko ditu.
2. 6. artikuluan aipatzen ez diren arrazoiengatik zerbitzuaren erabileran etenaldiak gertatzen direnean, organo eskudunak prezio publikoaren salbuespen partzialak onestu ahalko ditu, lanpostua gordetzeagatik.

**AZKEN XEDAPENA. Indarrean sartzea.**

1. Ordenantza fiskal hau, ALHAOn argitaratu eta hurrengo egunean sartuko da indarrean.
2. Ordenantza fiskal hau egun horretan edo geroago Eguneko Arretarako Landa-zentroan sartzen diren pertsonen ezarriko zaie.

**I. ERANSKINA**

**PREZIO PUBLIKOAREN ZENBATEKOA**

1. tarifa Eguneko arretarako landa-zentroa.	
1.1 tarifa Arreta pertsonalerako zerbitzua	119,73 €/hilean
Zerbitzu osagarriak:	
1.2. tarifa Janari-zerbitzua	81,60 €/hilean
1.3. tarifa Arropa garbitzeko zerbitzua	7,54 €/ekitaldiko
1.4. tarifa Komun geriatrikoaren zerbitzua	4,68 €/ekitaldiko

1.1 eta 1.2 tarifetan aurreikusitako zerbitzuak ez direnean egunero erabiltzen, ezarri beharreko prezio publikoa modu proportzionalan kalkulatu da.

**II. ERASKINA**

**BEHAR BESTEKO GAITASUN EKONOMIKOA MUGATZEA**

I. eranskinean ezarritako prezio publikoak indarrean dauden bitartean, ulertuko da behar besteko gaitasun ekonomikoa dagoela eranskin honetan aurreikusitako kasuetan eta moduan.



1. Hobariak zehaztearen harira 5.1 artikuluan ezarritakoaren ondorioetarako, prezio publikoa osorik ordaintzeko adinako gaitasun ekonomikoa dagoela ulertuko da, baldin eta prezio hori, III. tituluko I. kapituluan aurreikusitakoari jarraituz kalkulaturik, hileko 1.500,00 eurokoa edo handiagoa bada.
2. Halaber, behar besteko gaitasun ekonomikoa dagoela ulertuko da pertsonak 50.000 euroko edo gehiagoko ondare konputagarria duenean, nahiz eta III. tituluko I. kapituluan aurreikusitakoarekin bat kalkulaturik gaitasun ekonomikoa aurreko tauletan aurreikusitako mugak baino txikiagoa izan.

### III. ERANSKINA HOBARI APLIKAGARRIAK

I. eranskinean ezarritako prezio publikoak indarrean dauden bitartean, hobari hauek aplikatuko zaizkie zerbitzu bakoitzari dagokion prezio osoa ordaintzeko adinako gaitasun ekonomikorik ez dutenei, ordenantza fiskal honen 5. artikuluan aurreikusitako moduan:

Eguneko arretarako landa-zentroen esparruan emandako arreta pertsonalerako zerbitzuak ordaindu beharreko banakako prezioa zehazteko, familiaren hileko gaitasun ekonomikoa arabera, honako taula-baremo hau ezartzearen ondoriozko hileko zenbatekoak ezarriko dira:

Familiaren gaitasun ekonomikoa (eurotan)	Kopuru honetara arte (eurotan)	Zenbatekoa	Gainerako, kopuru honetara arte	Ehunekoa
0,00 eurotik	0	0	500,00	3,0
600,00	500,00	17,35	100,00	5,0
700,00	600,00	22,35	100,00	7,0
800,00	700,00	29,35	100,00	10,0
900,00	800,00	39,35	100,00	10,0
1.000,00	900,00	49,35	100,00	11,0
1.100,00	1.000,00	60,35	100,00	11,0
1.200,00	1.100,00	71,35	100,00	12,0
1.300,00	1.200,00	83,35	100,00	12,0
1.400,00	1.300,00	95,35	100,00	12,0
1.500,00	1.400,00	107,35	100,00	12,38
1.500,00 euro baino gehiago		Gehieneko tarifa	119,73 euro	

Azpitarratu beharra dago, erabiltzaileei eragiten dien aldaketa honek (gaur egun 9 erabiltzaile ditugu), ez diela gaur egun indarrean dauden prezio publikoen aldaketarik ekarriko, hau da, kopuru berdinak ordaintzen jarraituko dute. Esan daiteke aldaketa honen eragina ekonomikoki eta afektatutako biztanle kopuruaren aldetik murrizta dela.

Azkenik, horrela dio, hitzez hitz, Aramaioko Udalaren eta Arabako Foru Aldundiaren artean sinatzea proposatzen den hitzarmenak, eguneko arretarako landa-zentroaren zerbitzuaren eskumenak eskuordetzeko eta eguneko arretarako landa-zentroaren garraio egokituko zerbitzua agintzeari buruzkoak:

“HITZARMENA, ARAMAIOKO UDALAREN ETA ARABAKO FORU ALDUNDIAREN ARTEKOA, EGUNEKO ARRETARAKO LANDA-ZENTROAREN ZERBITZUAREN ESKUMENAK ESKUORDETZEKO ETA EGUNEKO ARRETARAKO LANDA-ZENTROAREN GARRAIO EGOKITUKO ZERBITZUA AGINTZEARI BURUZKOA.

Euskal Autonomia Erkidegoko Gizarte Zerbitzuen abenduaren 5eko 12/2008 Legeak arautzen du botere publikoek duten betebeharra eskubidearen titular guztiei bermatzeko prestazio eta gizarte zerbitzuetarako sarbidea eta eskuragarritasuna, lege horretan nahiz Gizarte Zerbitzuen Euskal Sistemaren prestazio eta zerbitzuen zorroari buruzko urriaren 6ko 185/2015 Dekretuan finkatutako terminoetan. Hori guztia Arabako Lurralde Historikoko Gizarte Zerbitzuen Maparen arabera, Arabako Foru Aldundiak eta Lurralde Historikoko udalek berretsi zutena 2016ko uztailaren 22an, Gizarte Zerbitzuen Plan Estrategikoaren baitan.



12/2008 Legearen 22. artikularen arabera, Eguneko Arretako Zerbitzua udal eskumena da, eta hainbat eskumen ditu esleituta. Izan ere, Lurralde Historikoko udalerrri gehienek, tamaina eta biztanleria txikia dutenez, ez daukate zerbitzu hori eraginkortasunez emateko beharrezko azpiegiturarik.

Toki Araubidearen oinarriak arautzen dituen apirilaren 2ko 7/1985 Legearen 31. artikulua adierazten duen bezala, aldundiek ziurtatu behar dute udal eskumeneko zerbitzuak lurralde osoan modu integral eta egokian ematen direla. Bada, testu beraren 36. artikularen arabera, aldundiek, besteak beste, udal zerbitzuei dagokienez juridikoki, ekonomikoki eta teknikoki lagundu eta kooperatzeko zeregina daukate. Horrenbestez, gomendagarria da Arabako Foru Aldundiak parte hartzea udal eskumeneko zerbitzu hori ematen.

Horregatik, lurralde osoan zerbitzuaren eraginkortasuna bermatzeko mekanismoak arbitratze aldera, komeni da Arabako Foru Aldundiaren eta hala erabakitzen duten udalen artean lankidetzaren esparru bat prestatzea udal eskumeneko zenbait betebeharrak gauzatzeko.

Lankidetzaren hori legeak jasotzen duen administrazioen arteko kolaborazio, kooperazio eta laguntza printzipioetan; besteak beste, Sektore Publikoko Araubide Juridikoaren urriaren 1eko 40/2015 Legearen 140. artikuluan eta hurrengoetan eta Gizarte Zerbitzuen Legearen 43. artikuluan eta hurrengoetan. Hitzarmen honetan gauzatu dira horiek.

Eguneko arretako zerbitzuarekin lotutako udal zereginek izaera ezberdina izateak beharrezko bihurtzen du hitzarmen honek, lehen aipatutako 40/2015 Legearen 47. artikuluan eta hurrengoetan jasotakoaren arabera formalizatu denak, barne hartzea prestazio sozialarekin nahiz diru publikoaren bilketarekin eta Eguneko Arretarako Landa-zentroaren dagokion garraio egokituaren zerbitzuaren kudeaketaren agintzarekin lotutako funtzioak egikaritzeko eskumenak kolaboratiboki eskuordetzeko formula.

Foru lankidetzaren oinarrietako bat denez sustatzea zerbitzuaren kalitatea eta intentsitatea antzekoa izatea Arabako udalerrri guztietan, zerbitzua eta horren prezio publikoak arautzen dituen araudia berbera izan behar da hitzarmena sinatzen duten udal guztientzat. Horrela, gainera, eskumenen eskuordetzea erraztuko da. Horixe da zerbitzua eta horren prezio publikoak arautzeko araudia hitzarmenaren eranskin gisa txertatzearen arrazoiak.

Lurralde Historikoan hitzarmen honi atxikitzen zaien udalerrietan aplikatuko da hitzarmen hau, honako klausula hauetan adierazitako terminoetan:

#### KLAUSULAK

##### **Lehenengoa. Xedea**

1.1. Hitzarmen honen xedea da Arabako Foru Aldundiari eskuordetzea Eguneko Arretarako Landa-zentroaren zerbitzuari dagozkion eskumenak eta hala behar duten onuradunentzako Arabako Foru Aldundiko Aramaioko udalaren Eguneko Arretarako Landa-zentrorako joateko garraio egokituaren zerbitzuaren kudeaketa agintzea.

1.2 Hitzarmenetik at geldituko dira Eguneko Arretarako Landa-zentroaren zerbitzuari buruzko informazioari, balorazioari, diagnostikoari eta orientazioari lotutako udal eskumen eta funtzio guztiak; izan ere, horiek oinarrizko gizarte zerbitzuei dagozkie, eta zuzenean udalak berak edo Kuadrillak emango ditu. Halaber, oinarrizko gizarte zerbitzu horietatik erreferentziatzeko profesional bat izendatuko da, kasuaren koordinazioa bere gain hartuko duena, Banakako Arreta Programa edo, kasuan kasu, Arreta Plan Pertsonalizatua egingo duena, pertsona edo familia erabiltzailearen partaidetzarekin. Esku-hartzearen jarraipena ere egingo du, Gizarte Zerbitzuen Euskal Sistemarekin batera, eta interesdunei orientazioa eta laguntza emango die dagozkien espedienteak izapidetzeko eskaera eta beharrezko dokumentazioa formalizatzeko.

##### **Bigarrena. Eguneko Arretarako Landa-zentroaren Zerbitzua arautzeko araudia eta hitzarmenaren eraginkortasuna.**

2.1 Arabako Foru Aldundiak eta Aramaioko udalak konpromisoa hartu dute hitzarmen hau sinatzeko Eguneko Arretarako Landa-zentroko zerbitzu hau arautzeko udal erregelamendua eta dagokion ordenantza fiskala onetsi ostean. Horiek hitzarmen honi erantsi zaizkio I. eta II. eranskin gisa, hurrenez hurren.

2.2. Araudi horren onespina eta indarraldia ezinbesteko baldintza da hitzarmen honen eraginkortasunerako eta indarraldirako.

##### **Hirugarrena. Eskumenak eskuordetzearen irismena.**

3.1 Aramaioko udalak Arabako Foru Aldundiari eskuordetu dio Eguneko Arretarako Landa-zentroaren Zerbitzuaren arloan honako eskumen hauek gauzatzeko:

- a) Horretarako ezarrita dagoen Balorazio eta Orientazio Batzorde Teknikoaren bidez baloratzea oinarrizko gizarte zerbitzuek bideratutako espediente guztiak. Desadostasunik egotekotan, espedientea bideratu duen udalak/kuadrillak izendatutako pertsona bera sartu ahal izango da.
- b) Proposamen teknikoak (udal gizarte zerbitzuek egina) abiatuta izapidetzea, erabat amaitu arte, zerbitzu hori ematearekin lotutako administrazio prozedurak. Horretarako beharrezko ebazpenak emango dira, eta, bereziki, prestazio horren eskubidea aitortu, eskuratu eten eta/edo iraungitzeak, Eguneko Arretarako Landa-zentroko zerbitzuaren udal araudi arautzailean ezarritako terminoetan.





- c) Ordenantza Fiskalean ezarritako zerbitzua emateagatiko prezio publikoen kudeaketa, likidazioa, ikuskapena eta bilketa, bat etorritik Tokiko Ogasunak erregulatzeko araudian eta, horren ordezko gisa, Arabako Zergei buruzko Foru Arau Orokorrean ezarritakoarekin.
- d) Eguneko Arretarako Landa-zentroko zerbitzuaren arloan zehatzeko ahala erabiltzea eta legez bideragarri diren ikuskapenak eta egiaztapenak egitea.
- e) Eskuordetutako eskumenak egikaritzuz emandako egintzen aurka jarritako administrazio errekurtsioak ebaztea.

3.2 Arabako Foru Aldundiari dagokio ahal hori gauzatzea, bat etorritik indarrean dagoen araudiarekin eta, bereziki, zerbitzua eta bere prezioa arautzeko araudiarekin, bigarren klausulan aipatzen denarekin.

**Laugarrena. Eguneko Arretarako Landa-zentrorra joateko garraio egokituko zerbitzuaren emakidaren kudeaketa agintzearen irismena**

4.1 Aramaioko Udalak Arabako Foru Aldundiari agindu dio Eguneko Arretarako Landa-zentrorra joateko garraio egokituko zerbitzuaren emakida, eta aldundiak onartu egin du.

4.2 Arabako Foru Aldundiak aipatutako garraio egokituko zerbitzua behar bezala emateko aplikatu beharreko jarraibideak eta irizpideak eman ahal izango ditu.

4.3 Kudeaketaren agindu hori Arabako Foru Aldundiak egin ahal izango du zuzenean edo zeharka, kontratu edo hitzarmen bidez, legez ezarritako forman. Gehieneko iraupenak ezin izango du gainditu hitzarmen honen indarraldia.

**Bosgarren Gobernu eta Koordinazio Batzordea.**

5.1 Hitzarmen honetan jasotako akordioak eta horien interpretazioa jarraitu, kontrolatu eta betetzea bultzatzeko Gobernu eta Koordinazio Batzordea sortu da.

Gobernu eta Koordinazio Batzordea honako hauek osatzen dute:

Udaletako sei (6) ordezkari, Aiaraldeko, Ipar-ekialdeko Arabako eta Hegoaldeko Arabako eremu bakoitzeko bi.

Arabako Foru Aldundiko Gizarte Politika Saileko hiru (3) ordezkari.

5.2 Gobernu eta Koordinazio Batzordeari dagokio antolaketa eta funtzionamenduari buruzko bere erregelamendu propioa egitea.

5.3 Hitzarmen honetan eta horren antolaketa eta funtzionamendu erregelamenduan aurreikusten ez den guztian, Gobernu eta Koordinazio Batzordearen funtzionamendua arautuko dute kide anitzeko organoen funtzionamendu arauak, Sektore Publikoaren Araubide Juridikoaren urriaren 1eko 40/2015 Legean ezarritakoak.

**Seigarrena.- Gobernu eta Koordinazio Batzordearen funtzioak**

6.1 Gobernu eta Koordinazio Batzordearen funtzioak dira honako hauek:

- a. Hitzarmen honen planifikazioa, koordinazioa, jarraipena, kontrola, txostena eta interpretazioa.
- b. Hitzarmen honen edozein aldaketa edo berritze jakinaraztea.
- c. Hitzarmen honetan berariaz jasota dauden eskudantziak baliatzea.

6.2 Gobernu eta Koordinazio Batzordeari honakoen berri emango zaio urtero:

- a. Hitzarmenaren egikaritze-egoera nahiz ekitaldi bakoitzean antzemandako gorabeherak.
- b. Erakunde sinatzaileek egin dezaketen proposamenak, kexak edo iradokizunak.

6.3 Arabako Gizarte Politiken Erakunde-arteko Mahaian urtero aurkeztuko da Arabako Lurralde Historikoko Eguneko Arretarako Landa-zentroko zerbitzuaren jardura memoria. Hori guztia, lurralde horretako udalekin batera Eguneko Arretarako Landa-zentroko zerbitzua emateko izenpetutako hitzarmenen baitan.

**Zazpigarrena.- Eskumen eskuordetuak egikaritzea eta kudeaketa agintzea.**

7.1 Eskumenak eskuordetzeak ez du ekarriko titulartasuna lagatzea. Titulartasuna udalarena izango da une-oro, eta horren egikaritzea soilik eskuordetuko da.

7.2 Arabako Foru Aldundiak Gobernu eta Koordinazio Batzordeari emango dio eskuordetutako eskumenen egikaritzearen eta agindutako zerbitzuaren garapenaren berri, gutxienez urtean behin.

7.3 Aramaioko Udalak edozein unetan eskatu ahal izango du Arabako Foru Aldundiari eskuordetutako eskumenen egikaritzeari buruzko informazioa, bai eta agindutako zerbitzuari buruzkoa ere. Horretarako idatzi bat bidali beharko du Arabako Foru Aldundiko Gizarte Politika Sailera. Gehienez ere hogeitau egun balioduneko epean bidaliko du informazioa Arabako Foru Aldundiak, eskaera Arabako Foru Aldundiko erregistroan sartzen den datatik aurrera zenbatzen hasita.

**Zortzigarrena. Araudi ekonomiko-finantzarioa. Alderdien konpromisoak**

8.1 Aramaioko Udalaren konpromisoak (Eguneko Arretarako Landa-zentroak dituzten udalak)

- a) Aramaioko Udala arduratuko da behar bezala kontserbatzeaz eta mantentze-lanak egiteaz Eguneko Arretarako Landa-zentroko zerbitzua egongo den higiezinan, eta horniketen gastuak ordaintzeaz arduratuko da.



b) Aramaioko Udalak konpromisoa hartuko du Eguneko Arretarako Landa-zentroko zerbitzua osorik emateagatiko gastuetarako bere ekarpena zerbitzu horren kostu osoaren % 20koa izan dadin.

**8.1 Aramaioko Udalaren konpromisoak (Eguneko Arretarako Landa-zentroak dituzten udalak)**

a) Aramaioko Udalak konpromisoa hartuko du Eguneko Arretarako Landa-zentroko zerbitzua osorik emateagatiko gastuetarako bere ekarpena % 20koa izan dadin zerbitzu horretan Aramaioko Udalak okupatzen duen plaza bakoitzeko.

**8.2 Arabako Foru Aldundiaren konpromisoak**

Arabako Foru Aldundiak konpromisoa hartuko du Eguneko Arretarako Landa-zentroko zerbitzua osorik emateagatiko gastuetarako bere ekarpena zerbitzu horren kostu osoaren % 80koa izan dadin, eta garraio egokituko zerbitzua ematearen gastuena, berriz, %100ekoa.

**8.3 Urtero egingo da aurreko puntuetan hartutako konpromisoei dagokien likidazioa.**

**Bederatzigarrena.- Araubide juridikoa**

Hitzarmen honek administrazio-izaera izango du. Administrazioarekiko auzien jurisdikzioko organoek berrikusiko dituzte bide judizialean, bai eta betearazpenean emandako egintza eta erabakiak edo horren ondoriozkoak ere.

**Hamargarrena. Iraupena**

10.1 Hitzarmen honek lau urteko iraupena izango du, eta 2021eko urtarrilaren 1ean sartuko da indarrean. Indarraldia eta eraginkortasuna bigarren klausulan aurreikusitakoari lotuta geldituko dira.

10.2 Amaitzean hitzarmena luzatu ahal izango da alderdi biek hala adostuz gero, hasierako iraupenaren besteko aldi batez. Alderdietako edozeinek hitzarmena luzatzerik nahi ez badu, besteari jakinarazi beharko dio, gutxienez amaitu baino sei hilabete lehenago.

10.3 Udal batek hitzarmen hau ez luzatzea erabakitzen badu, edozein arrazoi tarteko, horrek ez luke ekarriko bere eremuko gainerako udalek hitzarmena suntsiaraztea.

**Hamaikagarrena. Hitzarmena suntsiarazteko arrazoiak.**

**11.1 Hitzarmena honakoen bitartez suntsiarazi daiteke:**

- a. Alde bien arteko akordioa.
- b. Edozein alderdiren salaketa, ondorioak izan behar dituen eguna baino gutxienez sei hilabete lehenago formalizatua.
- c. Desadostasuna Gobernu eta Koordinazio Batzordearen organoan hitzarmen honen funtsezko klausulen interpretazioari buruz.
- d. Funteko betebeharrak konbentzionalak ez betetzea. Suntsiarazteko arrazoi hori aplikatu ahal izateko, hitzarmena suntsiarazteko interesa duen erakundeak aurrez Gobernu eta Koordinazio Batzordeari jakinaraziko dio suntsiarazteko arrazoi hori badagoela eta suntsiarazteko asmoa duela. Jakinarazpen hori egin ostean, Batzordea deituko da, eta gehienez ere hamabost egun baliaduneko epean bildu beharko da. Helburua izango da beste alderdia entzun ostean ebazpenaren jatorriari buruzko txostena egitea. Batzordearen txostena egindakoan, erakunde interesdunak dagokion ebazpena emango du.
- e. Betetzearen ondorioz gertatutako ezintasuna. Hala joko dira, besteak beste, udalak Eguneko Arretarako Landa-zentroko zerbitzuari buruzko araudi bat onetsi edo aldatzea, aurrez adostuaz bestelakoa. Hori guztia, hitzarmen honetako bigarren klausulan ezarritako terminoetan eta bertan jasotako salbuespenekin.
- f. Indarraldiaren gehienezko epea eta luzapena igarotzea.

11.2 Hitzarmena suntsitu edo iraungi ostean abiatuko da likidazioa. Hori, ukitutako udalari entzun ostean, Arabako Foru Aldundiak formulatuko du eta Gobernu eta Koordinazio Batzordeak onetsiko du.

11.3 Aramaioko Udalaren hitzarmena aldebakarrez suntsiarazteak, Arabako Foru Aldundiak bete ez izanean oinarrituta, Arabako Foru Aldundia behartuko du sor daitezkeen kalte eta galeren dagokion kalte-ordaina bere gain hartzera.

**Hamabigarrena.- Datuen babesa**

Alderdi biek adierazi dute ezagutzen dituztela honako hauei lotutako xedapenak: datu pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoa; Europako Parlamentuaren eta Kontseiluaren 2016ko apirilaren 27ko 2016/679 (EB) Araudia, pertsona fisikoen babesari eta datu pertsonalen tratamenduari eta datu horien zirkulazio askeari buruzkoa eta 95/46/CE Zuzentaraua (Datuen babeserako erregelamendu orokorra) indargabetzen duena; eta datuak babesteari dagokionez une bakoitzean aplikagarriak diren gainerako arauak. Horrez gain, hitzarmen honen baitan erabiltzen diren pertsona fisikoen datuei dagokionez arau horietan eskatutakoak betetzeko konpromisoa hartzen dute.

**Hamahirugarrena.- Hitzarmenari atxikitze prozedura**

Hitzarmen hau izenpetzeko, osoko bilkuraren erabakia beharko da, eta, bertan, izenpetzea berariaz onartu beharko da, klausula guztiak eta hitzarmen honen bigarren klausulan aurreikusitako araudia onartu ondoren. “



Besterik gabe, alkateak aurkezten du Ogasun, Antolaketa eta Funtzionamendu Batzordeak Udalbatzari egiten dion proposamena:

**Lehena.-** Onarpena ematea Eguneko Arretarako Landa-zentroaren Zerbitzua arautzeko udal erregelamendua aldatzeari.

**Bigarrena.-** Onarpena ematea Eguneko Arretarako Landa Zentroaren Zerbitzuari dagokion ordenantza fiskala aldatzeari.

**Hirugarrena.-** Uztailaren 19ko 41/1989 Foru Arauko 16 artikuluan ebatzitakoarekin bat, jakinaraztea behin behineko izaeraz onartu diren udal erregelamendu eta ordenantza fiskala arautuko dituen ordenantzako testua, apirilaren 2ko 7/1985 Legeko 49.b). artikuluan erabakitakoarekin bat (41/1989 Foru Arauko 50. artikuluekin bateratsu), jendearen eskura jarrita daudela, udaletxeko bulego orokorrean, 30 egunez, iragarki hau ALHAOn argitaratu eta hurrengo egunetik kontatzen hasita, interesdunek egoki irizten dituzten erreklamazioak aurkezteko.

**Laugarrena.-** Jakinaraztea, halaber, erreklamaziorik ez badela aurkezten erakustaldi publikoaren epearen barruan, erabakia behin betiko onartutzat hartuko dela.

**Bosgarrena.-** Onartzea Arabako Foru Aldundiarekin hitzarmena sinatzea, eguneko arretarako landa-zentroaren zerbitzuaren eskumenak eskuordetzeko eta eguneko arretarako landa-zentroaren garraio egokituko zerbitzua agintzeari buruzkoa. Halaber, adostasuna adieraztea hitzarmeneko klausula guztiekin eta eranskin bezala jaso diren zerbitzua arautzeko erregelamenduekin eta zerbitzuaren prezio publikoak ezartzeko araudiarekin (ordenantza fiskala).

**Seigarrena.-** Eskuordetzea Aramaioko Udaleko alkatea den Lierni Altuna Ugarte andrea, esandako hitzarmena sinatu eta xede horretarako beharrezko eginbideak aurrera eramateko.

**Zazpigarrena.-** Akordio hau jakinarazi dagokion Foru Zerbitzuari.

Besterik gabe, alkateak bozketa deitu eta Udalbatzak, bertaratutako zinegotzien aldeko botoarekin, udalbatza osatzen dutenen gehiengo absolutua bertan dagoelarik, Ogasun, Antolaketa eta Funtzionamendu Batzordearen proposamena, ONETSI ETA AKORDIO MAILARA JASO DU.

#### 4. ONARTZEA 2/2021 KREDITU ALDAKETA EGITEA.

Alkate andreak hitza hartu eta adierazten du, egoki ikusi dela 2021eko aurrekontu orokorrean kreditu aldaketa egitea, gehikuntza motakoa, batetik, udalerrian zehar egin beharreko hainbat lan aurrera eramane eta inbertsio egiteko; eta, bestetik, zenbait aurreikusi gabeko gastu sortu direla eta horiei aurre egiteko. Zehatzago, ondorengoei aurre egiteko proposatzen da 2/2021 kreditu aldaketa egitea:

XEDEA	ZENBATEKOA (BEZa barne)
Musika etxeko argia	1.000,00 €
Musika etxeko gasa	1.500,00 €
Zabolako fosa septikoko filtro biologikoa	42.711,90 €
Udaletxeko bi langileen egoera ondo jartzeko prozesua	4.840,00 €
Taberna-okindegi-kulturetxe irisgarritasuna	81.001,10 €
Andramari bueltan bide-berdea	43.662,85 €
Liburutegian aramaioko fondoa sortzea	2.178,00 €
Haurreskolako aereo berria	2.789,96 €
Kiroldegiko argiteria berriztea	14.157,00 €
Aramaioko udalerriko energia-kontsumoei buruzko diagnostiko-auditoria egitea	11.495,00 €
Aramaioko udalerriko klimaren eta energia iraunkorraren aldeko ekintza-plan bat idaztea	13.310,00 €
Trikitixa eguna	3.000,00 €
Eszenatoki txikia	18.105,93 €
Artxiboko programa berria	3.192,00 €
Geologo baten azterketa	5.000,00 €
Ur sarean inbertsioak	15.000,00 €



Esp. kodea.: 2021APAK0005

Gaia: 2021/05/27 UDAL PLENOAREN OHIKO BILKURAREN AKTA

Errepide ezberdinak asfaltatzea	145.000,00 €
Parkean inbertsioak	15.000,00 €
Baso bat neurtzea	1.380,37 €
<b>Guztira</b>	<b>424.324,11 €</b>

Horiei aurre egiteko, beharrezkoa ikusten da kreditu aldaketa egitea, hain zuzen ere, gehikuntza motakoa. Horren ezaugarriak dira:

**Transferitutako kredituak biltzen dituzten gastuen partidak**

Kapitulua	Izena	Hasierako kreditua	Gehikuntza	Amaierako kreditua
2	GASTU OROKORRAK	968.009,91	16.720,37	984.730,28
6	INBERTSIO ERREALAK	564.204,35	407.603,74	971.808,09
GUZTIRA			424.324,11	

**Gehituko diren kredituak biltzen dituzten gastuen partidak**

Kapitulua	Izena	Hasierako kreditua	Gutxipena	Amaierako kreditua
8	GASTU OROKORRETARAKO GERAKINA	1.020.939,40	424.324,11	596.615,29
GUZTIRA BAJAK			424.324,11	

Juan Antonio Peña Orobengoa zinegotziak hitza hartu eta beraien bozka aurkakoa izango dela adierazten du. Batzordean adierazi zuen bezala, ez du zalantzan jartzen aipatutako gastu eta inbertsioak herriarentzat onuragarriak izango direnik baina, azkenean, beraiek aurrekoan egindako 6 inbertsio proposamenetatik bakarra hartu da kontuan.

Alkateak erantzuten dio, behin baino gehiago esan duen bezala, batetik, hainbat proiektu bideratzeko bilera eta kontsultak martxan daude dagokion erakundearekin; eta, bestetik, udalaren eskumena ez diren gaietan, aurrera egiteko aukerak aztertzen ari dira.

Besterik gabe, alkate-lehendakariak aurkezten du, Ogasun, Antolaketa eta Funtzionamendu Batzordeak Udalbatzari egiten dion akordio proposamena:

“**Lehena.-** Hasierako onarpena ematea kreditu aldaketa espedienteari.

**Bigarrena.-** Dagokion iragarkia argitaratzea ALHAOn eta 15 eguneko epea irekitzea, argitaratu eta biharamunetik kontatzen hasita, interesdunek espedienteaz aztertu eta egoki deritzoten alegazioak aurkeztu ahal izateko.

**Hirugarrena.-** Ohartzea, adierazitako jendaurreko epean erreklamaziorik aurkezten ez bada, kreditu gehigarriaren espedienteaz behin betiko onartutzat joko dela, inongo beste erabakiren beharrik gabe.”

Alkateak bozketa deitu du eta Udalbatzak, Ogasun, Antolaketa eta Funtzionamendu Batzordearen proposamena, ONETSI ETA AKORDIO MAILARA JASO DU, EH Bildu udal taldeko zinegotzien aldeko botoarekin (6) eta EAJ udal taldeko zinegotzien aurkako botoarekin (2).



## **5. ARGAZKI HISTORIKOAK JASOTZEKO PROIEKTUEN LEHIAKETA DEIALDIA.**

Alkateak hitza ematen dio Oihana Ameskua Perez zinegotziari, lehiaketaren berri adierazi dezan.

Oihana Ameskua Perezek adierazten du, aurretik egindako beste argazki zaharren bilketa bat osatzeko asmoz sortu dela deialdi hau. Oraingoan, aldiz, 1960 urtea baino lehenagoko argazkiak biltzea nahi da, aukeratzea, katalogatzea eta digitalizatzea. Aurrekoan jasotako argazkiekin artxibo bat osatu zen eta orain jasoko direnekin osatzen jarraitu nahi da. Aipatzekoa da, batetik, aurretik jaso ez ziren auzoak lehenetsiko direla; eta, bestetik, interes berezia izan dezaketen geroztikako argazkiak ere artxiboan sartuko direla. Besterik gabe, oinarriak aurkezten dira:

“ARGAZKI HISTORIKOAK JASOTZEKO PROIEKTUEN LEHIAKETA DEIALDIA.

OINARRIAK.

### **1. Xede-gaia**

Aramaioko argazki historikoak, 1960 urtea baino lehenagokoak biltzea, aukeratzea, katalogatzea eta digitalizatzea. Aurreko fase batean jasotako argazkiekin artxibo bat osatu zen eta orain jasoko direnekin jarraituko da osatzen. Aurretik jaso ez ziren auzoak lehenetsiko dira. Modu berean, interes berezia izan dezaketen geroztikako argazkiak ere artxiboan sartuko dira.

Aramaioko Udaleko kultura eta euskara teknikariekin adostuko dira proiektua exekutatzeko faseak.

### **2. Hautagaitzak**

- Proiektuaren egileak Aramaioko kultur ondarea ezagutu beharko du: historia, ondare artistikoa, etnografia,....
- Lana euskaraz egingo da, beraz, euskara menderatu beharko du, ahoz zein idatziz. Zentzu honetan, C1 titulua edo baliokidea izatea baloratuko da; edo batxilergoa/gradua euskaraz burutu izana.
- Argazkigintzarekiko ezagutza eta formazioa baloratuko da.
- Bakarka nahiz taldeka aurkeztu daitezke hautagaiak. Taldeka aurkezten direnean zuzendari bat izendatu beharko da.

### **3.- Metodologia**

- 1.- Landa eta artxibo lana egin beharko da. Hau da, argazkiak bildu etxez-etxe, digitalizatu eta artxibatu.
- 2.- Argazkiak biltzeko orduan, jabearekin adostuko da erabilera (erabilpen baimenarekin).
- 3.-Aramaioko Udalak ezarriko duen fitxa eredutzat hartuta katalogatu beharko dira argazkiak.
- 4.-Udalak interesgarri jotzen dituen argazkiak baloratu eta aukeratuko dira ondoren digitalizatzeko.
- 5.-Udalak ezarritako irizpideei jarraiki burutuko da lana.
- 6.- Udalak eskaner bat utziko dio bekadunari lanak irauten duen bitartean.

### **4. Iraupena**

Proiektu irabazlea aukeratzen den momentutik aurrera, 4 hilabeteko epea izango da lana amaitzeko.

### **5. Zuzkidura**

Zenbateko gordina: BI MILA euro (2.000 euro).

Diru-kopuru horietan zergak barne daude, eta —hala badagokio— PFEZaren atxikipena egingo da.

### **6. Ordainketa**

Ordainketa bi epetan egingo da, izapide administratiboak burutu ondoren: lehenengoa (%40a), lana hasterakoan, aurreordainketa moduan eta bigarrena (%60a), dagokion lana entregatzerakoan, betiere jatorrizko txostenean agerturiko premisa metodologikoak eta proiektukoak betetzen dituela egiaztatuz gero.



## **7. Dokumentazioa**

Eskaera, xedaturiko inprimakietan aurkeztu beharko da eta espresuki, gutxienez, ondoko puntuak jaso beharko ditu:

- a) Hautagaiaren/hautagaien eskabidea, NANaren fotokopiarekin batera, 1 zenbakidun Inprimakian.
- b) Eskatzailearen/eskatzaileen Curriculum vitae.
- d) Egin beharreko lanaren txosten zehatza 2 zenbakidun inprimakian, honako hauek adieraziz:
  - erabili beharreko metodologia
  - proiektuaren laburpena, helburuak, gaiaren aurrekoak eta egungo egoera eta lan egitasmoa.
- e) Zerga alorreko obligazioetan egunean dagoela egiaztatzen duen agiria.
- f) Honez gain, informazio gehigarria aurkeztu daiteke, gehienez ere 10 orriko informazio osagarria gehitu daiteke.

Inprimaki hauek Aramaioko Udalaren bulegoan jaso daitezke edo bestela honako web horri honen bidez eskura daitezke: **[www.aramaio.eus](http://www.aramaio.eus)**

## **8. Dokumentazioa aurkezteko epea**

2021ko ekainaren 25a baino lehen entregatu beharko da aurreko atalean aurreikusiriko dokumentazio guztia Aramaioko Udalaren bulegoan edo tramitazio elektronikoaren bidez.

## **9. Adjudikazio prozedura**

Deialdi hau Aramaioko Alkateak esleituko du, epaimahaiaren proposamena jaso ondoren. Eta dagokion erabakia aurkeztu diren guztiei jakinaraziko zaie. Proposamen hori epaimahaiak epaitutako merezimendu lehiaketa baten emaitza oinarritzat hartuta burutuko da.

Honako hauek osatuko dute epaimahaia:

- Epaimahaiburua: -Aramaioko Alkatea
- Epaimahaikideak:
  - Kultura batzordeko partaide bat.
  - Euskara batzordeko partaide bat.
  - Udaletxeko idazkaria.
  - Euskara teknikaria
- Idazkaria: Kultura Teknikaria.

Horietaz gain, aurkeztutako gaien inguruko pertsona adituen laguntza eta aholkularitza eska dezake epaimahaiak.

Eskatzaileek aurkeztutako dokumentazioa aztertu ondoren, epaimahaiak informazio osagarria eskatu edo/eta hautagai batzuk proiektua defendatzera deitu ditzake.

## **10. Adjudikazio irizpideak**

Honako alderdi hauek hartuko dira aukeraketarako irizpide nagusitzat:

- Eskatzaileen espediente akademikoa eta bere kurrikuluma (0-20 puntu).
- Ikerketa proiektuaren interesa, zuzentasun eta bideragarritasuna (0-40 puntu).
- Eskatzaileen argazkilaritza eta erlazionatutako programa informatikoen ezagutza. (0-10 puntu).

Puntuazioa:

- Eskatzailearen puntuazioa, epaimahaikide bakoitzaren puntuak gehitu eta batez bestekoa izango da. Epaimahaikide guztiek dute hitz egiteko eta puntuazioa jartzeko eskubidea.



- Puntu gehien duen eskatzailea proposatuko da beka lantzeko eta honek onartuko ez balu edo adierazitako merituak egiaztatuko ez balitu, hurrengo proposatuko da. Hala ere, epaimahaiak lanen kalitatea nahikoa ez dela uste badu, bekarik ez emateko proposamena egin dezake.

Bi hautagaiek puntuazio bera lortuz gero lehentasuna izango du Aramaion erroldatuta dagoenak.

#### **11. Onuradunen betebeharrak**

- a) Lehiaketa esleitu aurretik, adierazitako merituak egiaztatzea, aipatzen den dokumentazioa aurkeztea eta bekaren onarpena sinatzea 10 eguneko epean, tramite hori eskatzen zaionetik aurrera eta ebazpena egin baino lehen.
- b) Lanaren garapenari buruz (egindakoa eta egiteko dagoena), aurkeztutako proiektuaren araberako txosten bat bidaltzea bekaren lehen bi hilabeteak igarotzerakoan.
- d) Aramaioko Udalaren esku edukitzea egindako lanen ohar, zirriborro, aurrerapen eta emaitzak.
- e) Aurreikusitako planaren edo ikertaldearen osaketaren aldaketen berri ematea. Halakorik ezin izango da burutu Aramaioko Udalaren baimenik gabe.
- f) Lanaren bukaeran memoria aurkeztea.
- g) Lana entregatzeko azken epea betetzen ez bada, justifikazio edo gaintitu ezinezko arrazoirik gabe, penalizatu ahal izango da. Aramaioko Udalak erabakiko du emandako arrazoiak nahikoak diren ala ez. Kopuru osoaren %10eko murrizketa egin ahal izango da, hilabete bakoitzeko atzerapenagatik.

#### **12. Dirua itzultzea**

Dirulaguntza osoa edo zati bat eta dagokion berandutze-interesa itzuli beharko da ondorengo kasuetan:

- a) Lehiaketa, eskatutako baldintzak faltsutzeagatik edo hura ukatzera eraman dezaketen arrazoiak gordetzeagatik.
- b) Lehiaketaren helburua partzialki edo osotasunean ez betetzeagatik, bekadunaren aldetik.
- d) Udalari informazioa emateari uko egiteagatik, informazioa gordetzeagatik, zintzotasunez ez jokatzegatik edo Udalaren esanei kasurik ez egiteagatik.

#### **13. Lanen jabetza**

Emaitzen, azterlanen eta materialaren (adierazpen eran: bildumak, sortak, datu-baseak, multimedia, CD-ROM, CD-I, Internet, DVD eta etorkizuneko euskarri eta plataformak) jabetza, lehiaketarekin loturik eta zuzen edo zeharka horren emaitza direnetatik eta/edo harekin egindakoetatik ondorioztatu edo eratorriko diren Jabetza Intelektual eta Industrialeko eskubideak, Aramaioko Udalaren alde besterendurik dagoela ulertuko da, LIZENTZIAN (7. Inprimakia) adierazitakoaren arabera.

ESKATZAILEA aipatutako oinarriekin ados egon beharko du.”

Gogorarazi beharra dago, oinarriei gehitzen zaizkiela egoki den datu babesari buruzko klausula (udalak gisa honetako deialdietan erabili ohi duena) eta, halaber, izenemateko orria, non interesdunen datuak jasoko diren, proposatzen den proiektuari buruzko datuekin batera.

Pedro Elosegui zinegotziak hitza hartu eta adierazten du oso proiektu polita dela. Hala ere, batetik, zuzkidura ekonomikoa oso justua ematen duela; eta, bestetik, hautagaien meritu aldetik, zerbait zehatzagoa izan beharko litzatekeela iruditzen zaiola, akademikoagoa behar bada.

Oihana Ameskuak erantzuten dio, kopuruari dagokionez, kontuan hartu beharra dagoela ez dela guztia zerotik hasi behar. Aurretik ere lan bat egin dagoela jada. Bestalde, hautagaien betekizunei dagokionez, kontuan hartu beharrekoak dira, esaterako, erabili beharreko hainbat kompetentzia ez direla ohiko formakuntza erregelatuan jasotzen; edota bere kontuz formatu den jendea ezin dela alde batetara utzi; jende baliagarri asko izan daitekeela proiektu hau aurrera eramateko eta autodidaktak dira. Azken batean, ez da erraza ikasketa erregelatatu konkretu batekin lotzea proiektu hau egiteko gaitasuna, formakuntzak ematen duen kompetentziaz gain, beste hainbat gaitasun beharrezkoak dira.



Ondoren, alkateak aurkezten du Euskara eta Hezkuntza Batzordeak Udalbatzari egiten dion erabaki proposamena:

“**Lehena.-** Argazki historikoak jasotzeko proiektuen lehiaketa deialdiaren oinarriak onartzea.

**Bigarrena.-** Aipatutako lehiaketa deialdia aurrera eramateko 03335227041 partidari jaso den 2.000 euroko gastua onartzea.

**Hirugarrena.-** Deialdia zabaltzeko iragarkia jartzea ALHAOn eta proposamenak aurkezteko 15 eguneko epea irekitzea, argitaratu eta biharamunetik kontatzen hasita.”

Besterik gabe, alkateak bozketa deitu eta Udalbatzak, bertaratutako zinegotzien aldeko botoarekin, aho batez, Euskara eta Hezkuntza Batzordearen proposamena, ONETSI ETA AKORDIO MAILARA JASO DU.

## **6. ETXERAT ELKARTEAREN MOZIOA PRESOEI LEGEDI ARRUNT SOILA ETA ESPETXE POLITIKA NORMALIZATU BAT APLIKATZEKO BEHARRARI BURUZ.**

Alkateak aurkezten du Etxerat elkarteak helarazitako adierazpena, hainbat talde eta eragile politiko zein ekonomikok adostutakoa, presoei legedi arrunt soila eta espetxe politika normalizatu bat aplikatzeko beharrari buruz. Testuak horrela dio, hitzez hitz:

“2020ko abenduaren 12an, EAJ-PNV, EH Bildu, Elkarrekin-Podemos alderdiek eta ELA, LAB, UGT, CCOO, STEE, ESK, Hiru, Etxalde, EHNE, CGT eta CNT sindikatuek adierazpen solemne bat aurkeztu genuen Bilboko Euskalduna Jauregian, eta Euskal Autonomia Erkidegoko erakunde guztiei helarazteko konpromisoa hartu genuen.

Gure hitzari leial izanik, guk, Aramaioko Udaleko ordezkariok, adierazpen hau onartu nahi dugu gaur gure Udalbatzan.

### **EAJ-PNV, EH Bildu, Elkarrekin-Podemos, ELA, LAB, UGT, CCOO, STEE, ESK, Hiru, Etxalde, EHNE, CGT eta CNT-ren ADIERAZPENA**

Gaur gure udalerriko hiritarren aurrean aurkezten garen alderdi politikok pertsona euskaldun presoei Espainiako Gobernuak aplikatzen dizkien politiketara buruzko gure azterketa eta balioespina ezagutarazi nahi dizkiegu Espainiako Gobernuari eta euskal zein nafar iritziz publikoari.

Sinatzen dugun alderdiok, euskal erakunde gehienetan eta sindikatu gehienekin askotan adostu ditugun adierazpenetan honako hau eskatu izan dugu: “*Espetxeetako Lege Orokorrak aurreikusten duena bete dadila, askatasunaz gabetzen duten zigorrak bete daitezten norbere inguruntetik deserrotu gabe, birgizarteratzearen printzipioek adierazten duten moduan. Zentzu honetan, 2011 urtean ETAK jarduera armatua utzi zuenean irekitako denboraldi berriaren barruan honako hau adierazten dute: beharrezkoa dela beste espetxe politika bat, presoek beren gizarte eta familiako erroak dituzten lekuetatik urrun zigorrak bete beharra ekidindo duena. Politika berri horrek presoak bere familiarekin harremanak izatea erraztuko du eta adin txikiko seme-alaben ongizateari begiratuko dio, gurasoek haiekin egoteko duten eskubidea defendatuz”.*

Covid-19ak eta konfinamenduak pandemia honek espetxeratuentzat dituen ondorioei buruzko eztabaida ireki dute. Hilabete hauetan ugariak izan dira erakunde politiko eta sozialen ekimenak, nazioarteko erakunde gomendioak jarraituz, Europatik, Madriletik, Gasteizetik eta Iruñetik eskaera hau egin dutenak: dagokien agintariak har ditzatela neurri espezifikoak pertsona presoei begira, haien osasun eta segurtasun baldintzak hobeto daitezten eta hobera egin dezaten osasun krisialdiaren ondorioek bereziki ukitu dituzten legedi juridikoko eskubideek ere.

Zentzu honetan, bereziki garrantzitsua jotzen dugu 2020ko apirilaren 27ko Eusko Jaurlaritzaren proposamena, honako hau baieztatzen duena: “*Espetxeetako Lege Organiko Orokorren 12.1 artikulua arabera, Covid-19 izurritearen ondorioen testuinguruan eta osasun publikoa prebenitu eta babesteko helburuarekin, egitasmo orokor bat artikulatu behar da espetxeratu guztiak preso bakoitzaren familia inguruntetik hurbilen dauden espetxeetara hurbilduak izan daitezten”.*

Euskal Autonomia Erkidegoko gizarteak bakearen eta bizikidetzaren aldeko apustu garbia egin du. Hainbat modutako eta etengabeko eskaerak egin ditu, iraganeko logiken araberrako espetxe politika behin betirako gaitu dadin.

**Ondorioz, honako hau adierazi nahi dugu:**

1. 2011tik irekita dagoen errealitateari jarraiki, Espainiako Gobernuari helarazten diogu Euskadiko Autonomia Erkidegoko gizartearen eta adierazpen honen sinatzaileen sostengu osoa, pertsona euskaldun presoei legedi arrunt soila eta espetxe politika normalizatu bat aplikatzeko beharrezkoak diren urratsak ematea erabakitzen badu, aldatzear dugun iraganeko logiken araberrako legedian oinarritutako egoera behin betiko gaituz.





2. Espetxeetako Lege Orokorrean aurreikusitakoa betetzea eskatzen dugu berriro ere, askatasunaz gabetzen duten zigorrak betetzean deserrotzerik gerta ez dadin. Askatasunaz gabetzen duten zigorrak familia eta gizarte sustraiak dituzten lekuetatik urrun betetzea ekidingo duen espetxe politika bat ezinbestekoa jotzen dugu.
3. Premiazkotzat jotzen dugu egungo urruntze politikari amaiera ematea eta Covid-19aren egungo testuinguruan gure sostengua adierazten diegu honako egitasmo hau artikulatzera zuzendutako proposamen guztiei: espetxeratu guztiak orokorrean eta pertsona preso bakoitza, partikularrean, hurbil ditzatela beren familia ingurunetik hurbilen dauden espetxeetara. Euskal Autonomia Erkidegoaren kasuan Martutene, Basauri eta Zaballako espetxeetan birkokatzea dakar neurri horrek.
4. Helburu hau betetzeak modu erabakigarrian esku hartuko luke euskal gizartean eta politikan iraganarekin lotutako etapa bat ixten eta aukera emango luke, biktima guztiak oroitzuz, bizikidetzat demokratikoan arduatzutako orainaldiko eta etorkizuneko denboraldi berri bat eraikitzen.
5. Akordio hau Etxerat elkarteari helaraztea, konpromiso hau gizarteratzeko eta ezagutarazteko.

Amaitzeko, egoera hau jasaten ari diren pertsona preso senitarteko eta adiskideei ezagutarazi nahiko genieke hartua dugun konpromisoa, aipatu helburua lortzen laguntzeko beharrezkoak diren urratsak emateko. Eta horregatik hau onartu eta publiko egitea egingo da.”

Besterik gabe, Bozketa deitu eta Udalbatzak, bertaratutako zinegotzi guztien aldeko botoarekin, aho batez, ONETSI ETA BERE EGIN DU, Etxerat elkarteak aurkeztutako adierazpena, presoei legedi arrunt soila eta espetxe politika normalizatu bat aplikatzeko beharrari buruz.

## **7. ENERGIA BERRIZTAGARRIEN HEDAPENARI BURUZKO MOZIOA.**

Alkateak aurkeztu du energia berriztagarrien hedapenari buruzko adierazpen proposamena. Testuak horrela dio, hitzez hitz:

### “ENERGIA BERRIZTAGARRIEN HEDAPENARI BURUZKO MOZIOA

Gaur egun, Larrialdi Klimatikoa daukagun mehatxurik handienetako bat da. Beraz, erantzun azkarra eta klima eta energia politiken eraldaketa eraginkorra eskatzen duen erronka baten aurrean gaude. Erronka honek lan eta ahalegin partekatua eta Euskal Herri neutro batera iristeko ibilbide-orri bat eskatzen du. Horrek guztiak, jakina, gizarte gisa interpelatzen gaitu, eta gure ohituretan zenbait aldaketa eskatzen dizkigu.

Politika publiko guztiek bizi dugun egoerari erantzun behar diote. Erantzun adostua eman behar dugu. Aldez aurretik zehaztutako eta adostutako lurralde estrategia bati erantzuten ez dioten proiektuak garatzea saihestu behar dugu. Esan ere, Araban gure lurraldeak behar duen strategiara egokitzen ez diren energia berriztagarrien proiektuak ugaritzen ari dira azken hilabetetan.

Testuinguru horretan, energia berriztagarriekin eta horien ezarpenarekin lotutako bi eztabaida handiren atarian gaude: Araba Klima 2050 plana Araban, eta, are garrantzitsuagoa, EAeko Energia Berriztagarrien Lurralde Plan Sektoriala (LPS). Beraz, berriztagarrien mapa definitzeko eta adostasunetik abiatuta egiteko tresna gisa balioko duen dokumentuaren eztabaida eta definizioaren aurrean gaude, ingurumenaren babesa eta herritarren interes orokorrak ahaztu gabe.

Horregatik guztiatik, Aramaioko Udalak:

1. Eusko Jaurlaritzari eskatzen dio, larrialdi klimatikoaren testuinguruan, energia berriztagarrien hedapena modu antolatua eta planifikatua egingo dela bermatzea, herritarren interesak errespetatuz eta lurraldeko ingurumen balioen zaintzarekin bat etorritik.
2. Eusko Jaurlaritzari eskatzen dio Energia Berriztagarrien Lurralde Plan Sektorialaren (LPS) onartze prozesua ahalik eta azkarren bideratzea, izapidetze prozesuan ahalik eta kontsentsu politiko, sozial eta instituzional handiena bilatuz.
3. Eusko Jaurlaritzari eskatzen dio energia berriztagarrien inguruko plangintza egiterako orduan, lehenetsi ditzala berriztagarrien hedapen deszentralizatu eta biziki antropizatuak dauden kokalekuak.
4. Eusko Jaurlaritzari eskatzen dio LPSa izapidetu bitartean ez dezala aurrera egin ingurumenaren eragina izan dezaketan partaidetza publikoko energia berriztagarriko proiektuetan.”

Pedro Elozegui zinegotziak hitza hartu eta jakinarazten du, adierazpen horri buruzko zuzenketa aurkeztu nahi dutela. EAJ udal taldeak ondorengo adierazpena aurkeztu nahi du gai beraren inguruan. Testuak, hitzez hitz, horrela dio:

“Euskadiko energia jasangarritasun 4/2019 legearen garapenaz ordezkatzeko zuzenketa EH Bilduk aurkeztutako mozioari, toki erakundeetan aldetik.



.....k, EAJk .....ko Udalean duen taldeko bozeramaile denak, indarrean dagoen araudiaren argitan, Bilduk Euskadiko energia jasangarritasun 4/2019 legearen garapen-ari buruz egindako mozioari honako ORDEZKATZE ZUZENKETA hau aurkezten dio.

#### ZIOEN AZALPENA

Eusko Jaurlaritzak hamarkadak daramatza energia eraginkortasunaren eta energia berriztagarrien aldeko planak garatzen. 2021. urteko ekitaldiari begira, zeregin hori era nabarmenean areagotu da; batez ere, Euskadiko Energia Jasangarritasun 4/2019 Legearen bultzadaren ondorioz. Eusko Jaurlaritzak 100 milioi euro jarriko ditu udalen eta toki erakundeen eskura, aipatutako legean ezarritako eskakizunak eta proiektuak betetze aldera.

Euskadiko Energia Jasangarritasun 4/2019 Legea betetzeak, errealitatea egokitzea eskatzen dituen erronketara hurbiltzeak inbertsio ahalegin handia ekarriko dute, toki erakundeen aldetik, are konplexuago dena, COVID19 Pandemiak eragindako egoeraren ondorioz.

Eusko Jaurlaritzak, aurrean, bi lankidetzaren formula eratu ditu, erakunde publiko guztiek energia jasangarritasunaren inguruko adierazleak hobetzeko dituzten erronkei aurre egiteko, 2030. urtera begira:

- 1.- Energiaren Euskal Erakundeak aurrean bertan, 2021ean, 10 milioi euroko dirulaguntza programa bat abiaraziko du, udalek eta toki erakundeek energia auditoriak egin ditzaten euren udalerrietan, bertako energia egoera sakontasunez ezagutzeko asmoz.
- 2.- Energiaren Euskal Erakundeak 0 intereseko finantza lerro bat jarriko du martxan, auditorietan aurreikusiko diren jardueren inbertsioak aurrera eramateko. "Gauzatu energia" izeneko finantza lerro horrek 90 milioi euroko aurrekontua izango du.

Aipatutako dirulaguntza eta finantza lerro horiez gain, badira ere lehendik bideratzen ari diren beste laguntza batzuk, Ekonomiaren Garapen, Jasangarritasun eta Ingurumen Saila eta Energiaren Euskal Erakundearen energia eraginkortasuna eta energia berriztagarriak sustatzeari begira garatzen ari direnak, hala nola:

- Energia eraginkortasunaren aldeko etxebizitzaren birgaitzea laguntza programa: 25,1 M€, 2021-2022 ekitaldietarako
- Garraio eta mugikortasun efizientearen aldeko inbertsioak: 1,9 M€
- Toki administrazioaren energia eraginkortasunaren eta eguzki termikoaren aldeko inbertsioak: 1,4 M€
- Biomasa energetikoki ustiatzeko instalazioetan inbertsioak: 1 M€
- Geotermia energetikoki ustiatzeko instalazioetan inbertsioak: 0,9 M€
- Autokontsumo elektrikorako energia berriztagarrien alorreko instalazioetan inbertsioak: 5,7 M€
- MOVES III Plana (birkargatzeko guneak, ibilgailu arinen erosketa...): 18 M€

Ekonomia eta energia arloko eraldaketa handi-handiek maila goreneko jardura estrategiko garrantzitsuak eskatuko dituztela jakitun, baita tokian tokiko egitasmo txikiagoak,

EAJko (-----) udal-taldeak, EH Bildu Taldeak aurkeztutako mozioaren ordezkotuz zuzenketa hau aurkeztu du, toki-erakundeek Euskadiko jasangarritasun energetikoari buruzko 4/2019 Legea garatzeari dagokionez.

#### ZUZENKETA

- 1.- Ekonomiaren Garapen, Jasangarritasun eta Ingurumen Sailari eskatzea toki erakundeekin lankidetzaren eta laguntza areagotzeko eta sendotzeko, ahalik eta proiektu gehien suspertzeko xedez.
- 2.- Ekonomiaren Garapen, Jasangarritasun eta Ingurumen Sailari premiazko "Gauzatu energia" programara bideratutako baliabideak euskal udalerrira guztietara era zuzenean helduko direla bermatzeko eta toki mailako ekimenak sustatzeari begira nahikoak izateko.
- 3.- Eusko Jaurlaritzari eskatzea energia berriztagarrien alorreko instalazio berriak sustatzen jarraitzeko.
- 4.- Lortutako edo adostutako akordioa dagokien erakundeei helaraztea."

Aurkeztutako testu berri honen aurrean, Udaltzatzaile aho batez erabaki du, gaia mahai gainean uztea eta, behar bezala aztertu ondoren, hurrengo osoko bilkurarako uztea.



## **URGENTZIAZ SARTU DEN GAIA:**

### **MOZIOA KASATXOKO KALTE ETA PINTADEI BURUZ.**

Juan Antonio Peña Orobengoa zinegotziak hitza hartu eta adierazten du, EAJ udal taldeak ondorengo mozioa aurkeztu nahi duela, Kasatxon gertatutako en larritasuna ikusita. Proposatzen den adierazpenak horrela dio, hitzez hitz:

“Aramaioko EAJ-PNV udal taldeak publikoki salatu nahi ditu asteburuan Urkiolako parkearen barruko Etxaguen barrutian gertatutakoak. Ikusi dugunez, Kasatxo elkarte bere kideetako bati egindako aipamen irangarriekin margotuta zegoen.

Hori gutxi balitz bezala, gizarte hori dagoen inguruetan gutxienez zortzi zuhaitz kaltetu ziren, eta pagoen azalean bereizi gabeko ebakiak egin ziren, lehortzeko.

Alde batetik, ondare publiko eraso dago, eta, bestetik, ingurumen kontrako eraso, non Urkiolako parkea gainera ingurumen babestua dela.

Hori dela eta, honako mozio hau aurkezten dugu Aramaioko Udaleko osoko bilkurak onar dezan.

#### **MOZIOA**

1. Aramaioko Udalak gogor gaitzetsi du hilaren 23an Etxaguenen “Kasatxo” inguruan izandako gertakariak; izan ere, ezezagun batzuek pintadak inkriminatzaileak egin zituzten eta gutxienez zortzi zuhaitz kaltetu zituzten.
2. Udal salaketa jarriko du Ertzaintzaren aurrean, Udalaren jabetzako delako eta Urkiolako parke naturalaren kaltean izan dituelako.
3. Subsidiarioki, eta beste ebazpen baten zai, Aramaioko Udalak eragindako kalteak konponduko ditu.”

Alkateak hitza hartu eta adierazten du, kaltetutako zuhaitzak lurzoru publikoan dauden heinean, salaketa jarrita dagoela jada. Gogorarazten du, aurreko batetan ere inguru bereko zuhaitzei kalteak eragin zizkietela ezezagun batek edo batzuek eta, orduan ere, salaketa jarri zela. Bestalde, basozainarekin hitzordua egina dagoela, bertara joan eta zuhaitzak errekuuperatzeko prozedura egokienari heltzeko.

Hala ere, ez du egokia ikusten partikular baten jabetzako den ondasun batetan gertatutako kalteei aurre egitea. Horrek, aurrekari arriskutsua sor baitezake eta edozein herritarri bidea eman, udalera gerturatu eta bere jabetzako ondasunean jasan duen edozein kalteri irtenbidea emateko eskatzeko.

Horrenbestez, aho batez erabakitzen da, mozioa puntuz puntu bozkatzea. Hartara, EAJ udal taldeko zinegotzien bozkak (2), hiru puntuak onartzekoaren aldekoa da; aldiz, EH Bildu udal taldeko zinegotzien bozka (6), soilik lehenengoko eta bigarrenengo puntuak onartzearen aldekoa. Beraz Udalbatzak ONARTU ETA BERE EGITEN DITU, Kasatxoko kalte eta pintadei buruzko mozioa, baina EZ DU ONARTZEN, subsidiarioki kalteak konpontzeari buruzko puntua.

## **8. GALDERAK ETA ESKAERAK.**

Pedro Elosegui zinegotziak proposatzen du Udalbatzaren araudi bat prestatzea. Horrela, hainbat funtzionamendu arau ezarri ahal izango dira, esaterako, mozioak edota horien zuzenketak aurkezteko epea jartzeko eta, ondoren, astia izan proposamenak aztertzeko.

Bertaratutako zinegotziek proposamena egokia ikusten dute.

Azkenik, eztabaidatzeko beste gairik ez dagoenez, alkateak bukatutzat eman du osoko bilkura hau, goiburuan adierazitako egunean eta orduan, eta nik Aramaioko bitarteko idazkari-kontuhartzaileak, hala ziurtatzen dut, alkatearen oniritziarekin.